

# SLUŽBENI LIST

REPUBLIKE BOSNE I HERCEGOVINE



# СЛУЖБЕНИ ЛИСТ

РЕПУБЛИКЕ БОСНЕ И ХЕРЦЕГОВИНЕ

Godina II - Broj 17

5. kolovoza/avgusta 1993.  
SARAJEVO

Za svaki broj posebno se  
utvrđuje cijena  
Žiro-račun 10100-603-1396

372

Na osnovu Amandmana LI tačka 5. stav 3. na Ustav Republike Bosne i Hercegovine, na prijedlog Vlade Republike Bosne i Hercegovine, Predsjedništvo Republike Bosne i Hercegovine, na sjednici od 18. jula 1993. godine, donosi

## UREDBU

### SA ZAKONSKOM SNAGOM O DOPUNI UREDBE SA ZAKONSKOM SNAGOM O OKRUŽNIM VOJNIM SUDOVIMA

#### Član 1.

U Uredbi sa zakonskom snagom o okružnim vojnim sudovima ("Službeni list RBiH", br. 12/92, 21/92 i 23/92) u članu 5a, iza stava 1. dodaje se novi stav 2. koji glasi:

"Izuzetno, ukoliko najbliži okružni vojni sud nije u mogućnosti da vrši sudsku funkciju pod okolnostima i na način iz stava 1. ovog člana, može se osnovati odjeljenje nadležnog okružnog vojnog suda, koje će tu sudsku funkciju vršiti, za vrijeme dok te okolnosti traju".

#### Član 2.

Ova uredba stupa na snagu danom objavljivanja u "Službenom listu RBiH".

PR broj 1523/93  
18. juli 1993. godine  
Sarajevo

Predsjednik  
Predsjedništva RBiH,  
Alija Izetbegović, s. r.

373

Na osnovu Amandmana LI tačka 5. stav 3. na Ustav Republike Bosne i Hercegovine, na prijedlog Vlade Republike Bosne i Hercegovine, Predsjedništvo Republike Bosne i Hercegovine, donosi

### UREDBU SA ZAKONSKOM SNAGOM O DOPUNI UREDBE SA ZAKONSKOM SNAGOM O SREDSTVIMA I FINANSIRANJU ARMIIJE REPUBLIKE BOSNE I HERCEGOVINE

#### Član 1.

U Uredbi sa zakonskom snagom o sredstvima i finansiranju Armije Republike Bosne i Hercegovine ("Službeni list RBiH", broj 6/93) iza člana 91. dodaje se novi član 91a, koji glasi:

#### "Član 91a.

Društvena sredstva bivše Socijalističke Federativne Republike Jugoslavije, koja je koristila bivša Jugoslovenska narodna

armija (nepokretne stvari: kasarne, aerodromi, poligoni, zdravstveni i rehabilitacioni objekti, skladišta, magacini, stanovi, stambene zgrade i dr. pokretne stvari; imovinska prava i novčana sredstva i potraživanja zatečena na računu kod Službe društvenog knjigovodstva Republike) do donošenja konačne odluke od strane Vlade Republike za vrijeme ratnog stanja daju se na privremeno korišćenje i upravljanje Armiji.

Do donošenja konačne odluke Armija ne može otuđivati nepokretne stvari iz stava 1. ovog člana."

#### Član 2.

Ova uredba stupa na snagu danom objavljivanja u "Službenom listu RBiH".

PR broj 1524/93  
18. juli 1993. godine  
Sarajevo

Predsjednik  
Predsjedništva RBiH,  
Alija Izetbegović, s. r.

374

Na osnovu Amandmana LI tačka 5. stav 3. na Ustav Republike Bosne i Hercegovine, Predsjedništvo Republike Bosne i Hercegovine, na prijedlog Vlade Republike Bosne i Hercegovine, donosi

### UREDBU SA ZAKONSKOM SNAGOM O IZMJENAMA I DOPUNAMA UREDBE SA ZAKONSKOM SNAGOM O ORUŽANIM SNAGAMA REPUBLIKE BOSNE I HERCEGOVINE

#### Član 1.

U Uredbi sa zakonskom snagom o oružanim snagama Republike Bosne i Hercegovine ("Službeni list RBiH", br. 4/92, 7/92, 12/92 i 19/92), u članu 2. iza stava 3. dodaje se novi stav 4, koji glasi:

"Izuzetno od odredbe stava 1. ovog člana, pripadnicima oružanih snaga smatraju se i naoružane formacije koje su se samorganizovale ili organizovale u ilegalne vojne jedinice pod raznim nazivima u snage otpora protiv fašističke okupacije Republike Bosne i Hercegovine od strane tzv. Savezne Republike Jugoslavije, bivše Jugoslovenske narodne armije, Srpske demokratske stranke i drugih neprijateljskih snaga, u vremenu od 30. aprila 1991. do 15. aprila 1992. godine".

#### Član 2.

Iza člana 2. dodaje se novi član 2a. koji glasi:

#### "Član 2a.

Predsjedništvo Republike donijeće odluku kojom će se utvrditi koje se naoružane formacije iz člana 2. stav 4. ove uredbe smatraju pripadnicima oružanih snaga".

## Član 3.

U članu 5. stav 2. iza riječi "zrakoplovstvo" zarez se briše i dodaje se riječ "i".

## Član 4.

U članu 18. stav 1. tačka 1. riječ: "bataljona", zamjenjuje se riječju "brigada", a riječi: "ministar odbrane", zamjenjuje se riječima: "komandant Glavnog štaba uz saglasnost ministra odbrane".

Tačka 2. mijenja se i glasi:

"komandant Glavnog štaba na prijedlog organa koji propisom odredi - ministar odbrane svih ostalih starješina u Armiji".

Iza stava 1. dodaje se novi stav 2, koji glasi:

"Ovlašćenja starješina za vrijeme ratnog stanja u pogledu proizvodjenja, unapređivanja, postavljenja, udaljenja i o drugim odnosima u službi, određuje Predsjedništvo Republike Odlukom o proizvodjenju, unapređivanju i rješavanju o odnosima u službi vojnih lica za vrijeme ratnog stanja".

## Član 5.

U članu 37. iza riječi "armije" briše se zarez i dodaju riječi: "i pripadnici štabova Teritorijalne odbrane društveno-političkih zajednica".

## Član 6.

Ova uredba stupa na snagu danom objavljivanja u "Službenom listu RBiH".

PR broj 1525/93

18. juli 1993. godine  
Sarajevo

Predsjednik

Predsjedništva RBiH,  
Alija Izetbegović, s. r.

375

Na osnovu Amandmana LI tačka 5. stav 3. na Ustav Republike Bosne i Hercegovine, na prijedlog Vlade Republike Bosne i Hercegovine, Predsjedništvo Republike Bosne i Hercegovine, na sjednici od 18. jula 1993. godine, donosi

## UREDBU SA ZAKONSKOM SNAGOM

### O IZMJENAMA I DOPUNAMA UREDBE SA ZAKONSKOM SNAGOM O SLUŽBI U ARMIJI REPUBLIKE BOSNE I HERCEGOVINE

## Član 1.

U Uredbi sa zakonskom snagom o službi u Armiji Republike Bosne i Hercegovine ("Službeni list RBiH", br. 11/92 i 8/93), u članu 1, članu 22. stav 1., članu 37. stav 1., članu 50. stav 1., članu 60., članu 69. stav 3. i članu 87. stav 2. riječ "u ratu", zamjenjuje se riječima "za vrijeme ratnog stanja".

## Član 2.

U članu 1. iza stava 1. dodaje se novi st. 2, 3. i 4. koji glase: "Služba u Armiji vrši se na formacijskim mjestima i dužnostima, koja se propisuju formacijom Armije, komandi, štabova, jedinica i ustanova Armije, odnosno aktom o unutrašnjoj organizaciji Ministarstva odbrane, vojnih pravosudnih organa i preduzeća koja proizvode naoružanje i vojnu opremu.

Za svaku dužnost određuju se formacijski elementi čina.

Predsjedništvo Republike Bosne i Hercegovine (u daljem tekstu: Predsjedništvo) propisuje ličnu i materijalnu formaciju iz stava 2. ovog člana".

## Član 3.

U članu 3. iza stava 3. dodaje se novi stav 4. koji glasi: "Izuzetno od odredbe stava 1. ovog člana, za vrijeme ratnog stanja, odredbe ove uredbe o radnicima na službi u Armiji i građanima na radu u Armiji ne primjenjuju se na komande, štabove, jedinice i ustanove Armije".

Dosadašnji st. 5, 6, 7. i 8. postaju st. 6, 7. 8. i 9.

## Član 4.

U članu 10. stav 2. tačke b) i c) mijenjaju se i glase:

"b) za podoficire: vodnik, nadvodnik, čelnik, nadčelnik, zastavnik i nadzastavnik;

c) za oficire: poručnik, nadporučnik, kapetan, nadkapetan, major, pukovnik i brigadir;"

Iza stava 2. dodaje se novi stav 3. koji glasi:

"Činovi propisani u odredbi stava 2. ovog člana su činovi za vrijeme ratnog stanja (u daljem tekstu: ratni činovi)".

## Član 5.

U članu 18. iza stava 3. dodaje se novi stav 4. koji glasi:

"Izuzetno, za vrijeme ratnog stanja, Predsjedništvo može odlučiti da u aktivnu vojnu službu bude primljeno i lice koje ne ispunjava neki od opštih uslova iz stava 1. ovog člana."

## Član 6.

U članu 19. iza stava 1. dodaje se novi stav 2. koji glasi:

"Izuzetno, za vrijeme ratnog stanja, licu koje bude primljeno u aktivnu vojnu službu, radi ostvarenja prava po osnovu aktivne vojne službe dan prijema u aktivnu vojnu službu računa se dan angažovanja u oružanim snagama Republike, a za aktivna vojna lica i građanska lica na službi u bivšoj Jugoslovenskoj narodnoj armiji iz člana 20. ove uredbe i pripadnike štabova Teritorijalne odbrane društveno-političkih zajednica dan prijema u aktivnu vojnu službu ne može biti raniji od dana stavljanja na raspolaganje u smislu člana 37. Uredbe sa zakonskom snagom o oružanim snagama Republike Bosne i Hercegovine ("Službeni list RBiH", br. 4/92, 7/92, 12/92 i 19/92)."

## Član 7.

Član 21. mijenja se i glasi:

"Prijem u aktivnu vojnu službu i proizvodnje aktivnih vojnih lica iz člana 20. ove uredbe vrši se prema formacijskim mjestima na koja su postavljena, odnosno prema činu kojeg su imali u bivšoj Jugoslovenskoj narodnoj armiji, ako je to za njih povoljnije".

Činovi u bivšoj Jugoslovenskoj narodnoj armiji odgovaraju činovima Armije i to:

## PODOFICIRI:

- a) vodnik činu vodnika;
- b) vodnik I klase činu nadvodnika;
- c) stariji vodnik činu čelnika;
- d) stariji vodnik I klase činu nadčelnika;
- e) zastavnik činu zastavnika;
- f) zastavnik I klase činu nadzastavnika.

## OFICIRI:

- a) potporučnik činu poručnika;
- b) poručnik činu nadporučnika;
- c) kapetan činu kapetana;
- d) kapetan I klase činu nadkapetana;
- e) major činu major;
- f) potpukovnik činu pukovnika;
- g) pukovnik činu brigadira.

## GENERALI:

- a) general major činu brigadnog generala;
- b) general potpukovnik činu divizijskog generala;
- c) general pukovnik činu armijskog generala.

## VOJNI SLUŽBENICI:

Vojni službenici bivše Jugoslovenske narodne armije proizvode se u podoficire odnosno oficire odgovarajućeg čina, pod uslovima koji su odredbom ovog člana propisani za podoficire odnosno oficire.

Izuzetno od odredbe stava 1. ovog člana, lice iz člana 37. Uredbe sa zakonskom snagom o oružanim snagama Republike Bosne i Hercegovine koje nije postavljeno na komandnu (komandirsku odnosno komadantsku) dužnost, a stavilo se na raspolaganje oružanim snagama Republike i bilo određeno do 20. maja 1992. godine da vrši dužnost u Armiji Republike za koju je propisan formacijski čin kojeg je imalo u bivšoj Jugoslovenskoj narodnoj armiji, prima se u aktivnu vojnu službu i proizvodi u čin koji je neposredno viši čin od čina kojeg je imalo u bivšoj Jugoslovenskoj narodnoj armiji, a ako je formacijski čin na kojem je postavljeno niži od čina kojeg je imalo u bivšoj

Jugoslovenskoj narodnoj armiji prima se i proizvodi u čin kojeg je imalo u bivšoj Jugoslovenskoj narodnoj armiji.

Prijem u aktivnu vojnu službu i proizvođenje lica iz člana 20. ove uredbe u čineve predviđene u odredbi ovog člana vrši se na pismeni zahtjev tih lica.

Podoficiri, oficiri, generali i vojni službenici bivše Jugoslovenske narodne armije koji ne podnesu pismeni zahtjev za prijem u aktivnu vojnu službu, do određenog roka za prijem i proizvođenje, a najkasnije do 1. avgusta 1993. godine, prevode se u rezervne podoficire, rezervne oficire i rezervne generale, u činu kojeg su imali u trenutku napuštanja bivše Jugoslovenske narodne armije.

Rezervni podoficiri, rezervni oficiri i rezervni generali iz stava 5. ovog člana za vrijeme ratnog stanja unapređuju se pod istim uslovima kao i aktivna vojna lica.

#### Član 8.

U članu 23. iza stava 2. dodaje se novi st. 3., 4., 5., 6. i 7. koji glase:

"Izuzetno od odredbe stava 2. ovog člana, za vrijeme ratnog stanja, rezervni podoficir, rezervni oficir i rezervni general, na pismeni zahtjev, može biti primljen u aktivnu vojnu službu u činu kojeg ima u rezervi, odnosno može biti primljen u aktivnu vojnu službu i unaprijeđen u viši čin od čina kojeg ima u rezervi, zavisno od formacijskog mjesta odnosno dužnosti na koju je postavljen, ako je to za njega povoljnije.

Rezervni podoficir, rezervni oficir i rezervni general ukoliko se nalazi na komandnoj (komandirskoj odnosno komandantskoj) dužnosti, prilikom prijema u aktivnu vojnu službu unapređuje se u čin propisan za formacijsko mjesto na kojem je postavljen, bez obzira koji je čin do tada imao.

Ostale rezervne vojne starješine iz stava 1. ovog člana koje nisu postavljene na komandnim dužnostima primaju se u aktivnu vojnu službu i unapređuju u čin koji je za dva čina niži od čina propisanog za formacijsko mjesto na koje su postavljeni, bez obzira na čin kojeg su do tada imali, odnosno zadržavaju čin kojeg su imali u rezervi ako je to za njih povoljnije.

Rezervne vojne starješine koje ne žele prijem u aktivnu vojnu službu postavljaju se po osnovu vojne obaveze na dužnost u činu kojeg imaju, odnosno unapređuju na način propisan ovim članom.

Radi ostvarenja prava po osnovu obaveze služenja u rezervnom sastavu oružanih snaga, licima iz stava 6. ovog člana, kao dan postavljenja na dužnost računa se dan kada su bila određena da kao starješine Armije vrše dužnosti u Armiji, pri čemu taj dan ne može biti ranije od dana kada su se stavila na raspolaganje oružanim snagama."

Dosadašnji stav 3. briše se.

#### Član 9.

U članu 37. u stavu 1. riječi "u ratnim uslovima" zamjenjuju se riječima "za vrijeme ratnog stanja".

Iza stava 3. dodaju se novi st. 4. i 5. koji glase:

"Lica iz stava 1. ovog člana koja se nalaze na komandnoj (komandirskoj odnosno komandantskoj) dužnosti mogu se primiti u aktivnu vojnu službu i proizvesti najviše u čin propisan za formacijsko mjesto na koje su postavljena.

Ostala lica iz stava 1. ovog člana mogu se primiti u aktivnu vojnu službu i proizvesti u čin koji je za dva čina niži od čina propisanog za formacijsko mjesto na koje su postavljena, pri čemu je početni čin u kategoriji lica najniži čin do koga se može vršiti snižavanje ličnog čina po ovom osnovu."

#### Član 10.

U čl. 38., 58., 81., 89. i 90. riječ "načelnik", zamjenjuju se riječju: "komandant".

#### Član 11.

Podnaslov X mijenja se i glasi:

"X - PLATE, NAKNADE I DRUGA PRIMANJA LICA NA SLUŽBI U ARMiji"

#### Član 12.

U članu 44. stav 1. riječ "vojna" briše se.

#### Član 13.

U članu 47. stav 2. riječi "o pokretanju prekršajnog postupka", zamjenjuju se riječima: "o stavljanju pod vojnodisciplinski sud."

#### Član 14.

Član 49. mijenja se i glasi:

"Za vrijeme ratnog stanja može se proizvesti podoficir čina nadzastavnika u oficira čina poručnika i oficir čina brigadira u čin brigadnog generala, bez obzira što ne ispunjava propisane uslove za proizvođenje odnosno unapređenje u viši čin u skladu sa ovom uredbom ako se svojim radom i zalaganjem, sposobnošću u rukovođenju i komandovanju oružanim snagama u ratu dokazao da može uspješno izvršavati zadatke propisanog višeg čina.

Proizvođenje odnosno unapređenje u viši čin iz stava 1. ovog člana vrši Predsjedništvo na osnovu formiranog prijedloga kolegija ministra odbrane.

Uslove i postupak za proizvođenje odnosno unapređivanje u smislu stava 1. ovog člana propisuje Predsjedništvo."

#### Član 15.

U članu 50. stav 3. riječi: "na prijedlog ministra odbrane" zamjenjuju se riječima: "na osnovu formiranog prijedloga kolegija ministra odbrane."

#### Član 16.

U članu 52. iza stava 1. dodaje se novi stav 2. koji glasi:

"Prevođenje rezervnih podoficira, rezervnih oficira, rezervnih generala vrši se na način propisan u članu 21. ove Uredbe".

Dosadašnji stav 2. postaje stav 3.

#### Član 17.

U članu 77. stav 1. tačka 2. riječ "drugostepenog", zamjenjuje se sa riječi "drugopretopostavljenog".

Iza stava 1. dodaju se novi st. 2. i 3. koji glase:

"Vrijeme koje je aktivno vojno lice, odnosno starješina proveo na dužnosti vršioca dužnosti, ukoliko je to uslov za proizvođenje u čineve Armije ili unapređenje u viši čin, uzima se u obzir i računa kao da je lice bilo postavljeno na dužnost.

Vrijeme provedeno na dužnosti vršioca dužnosti iz stava 2. ovog člana uzima se u obzir samo u slučaju da se aktivno vojno lice nalazi na dužnosti u momentu kada se odlučuje o proizvođenju, odnosno unapređenju u viši čin."

#### Član 18.

U članu 82. stav 2. riječ "prekršaj" u različitim padežima zamjenjuje se riječima: "disciplinskog postupka" u odgovarajućim padežima.

#### Član 19.

U članu 84. riječi: "prekršajni postupak" u različitim padežima, zamjenjuju se riječima: "disciplinski postupak" u odgovarajućim padežima.

#### Član 20.

Član 85. mijenja se i glasi:

"Lica na profesionalnom radu u Armiji imaju pravo na platu i druga novčana primanja po osnovu službe.

Vojnici, vojnici u rezervi i rezervne starješine Armije, dok se nalaze na službi u Armiji, imaju pravo na novčanu naknadu u visini plate i druga novčana primanja".

#### Član 21.

Iza člana 85. dodaju se novi čl. 85a, 85b, 85c, 85d, 85e i 85f, koji glase:

#### "Član 85a.

Plata aktivnog vojnog lica određuje se u zavisnosti od vrste i složenosti poslova, stručne spreme, odnosno čina, formacijskog mjesta na kojem se nalazi aktivno vojno lice, minulog rada i posebnih uslova rada.

**Član 85b.**

Plata radnika na službi u Armiji određuje se u zavisnosti od vrste i složenosti poslova, stručne spreme, formacijskog mjesta na kojem se nalazi, odnosno na koje je postavljeno, minulog rada i posebnih uslova rada.

**Član 85c.**

Plata gradana po ugovoru na radu u Armiji određuje se zavisno od vrste i složenosti formacijskog mjesta na koje je primljen, minulog rada i posebnih uslova rada.

**Član 85d.**

Novčana naknada u visini plate vojnika, vojnika u rezervi rezervnih starješina određuje se u zavisnosti od dužnosti koju vrše u jedinici.

**Član 85e.**

Lica na profesionalnom radu u Armiji, vojnici, rezervni vojnici i rezervne starješine imaju pravo na novčane naknade (za službeno putovanje, premještaj, novčane nagrade i dr.).

**Član 85f.**

Ministar odbrane će u roku od 30 dana od dana stupanja na snagu ove uredbe donijeti propise o platama i drugim novčanim primanjima pripadnika Armije.

**Član 22.**

Ova uredba stupa na snagu danom objavljivanja u "Službenom listu RBiH".

PR broj 1526/93  
18. juli 1993. godine  
Sarajevo

Predsjednik  
Predsjedništva RBiH,  
Alija Izetbegović, s. r.

**376**

Na osnovu Amandmana LI tačka 5. stav 3. na Ustav Republike Bosne i Hercegovine, na prijedlog Vlade Republike Bosne i Hercegovine, Predsjedništvo Republike Bosne i Hercegovine, donosi

## UREDBU SA ZAKONSKOM SNAGOM O IZMJENAMA I DOPUNAMA UREDBE SA ZAKONSKOM SNAGOM O OBRANI

**Član 1.**

U Uredbi sa zakonskom snagom o obrani ("Službeni list RBiH", br. 4/92, 9/92, 19/92 i 10/93), član 12. mijenja se i glasi:

"Za vrijeme ratnog stanja, Predsjedništvo Republike obrazuje Ratni savjet Vrhovne komande za obranu (u daljem tekstu: Savjet).

Savjet, u okviru prava i dužnosti Predsjedništva Republike u oblasti obrane razmatra, zauzima stavove i predlaže Predsjedništvu odluke o svim značajnijim pitanjima iz oblasti obrane, a naročito:

- način objedinjavanja i koordiniranja svih subjekata oslobođilačkog rata i oružane borbe,
- razmatranje pitanja rukovođenja oružanih snaga,
- razmatranja planova razvoja oružanih snaga,
- razmatranje obrambenih priprema pojedinih subjekata i Republiku u cjelini,
- razmatranje pitanja opremanja Armije Republike i oružanih snaga u cjelini materijalno-tehničkim sredstvima i opremom".

**Član 2.**

Član 13. mijenja se i glasi:

"Članovi Savjeta imenuju se iz reda patriotski opredeljenih državljana Republike, koji su učestvovali u organizovanju i pripremanju naroda za oslobođilački rat i oružanu borbu i iz reda lica koja su se istakla u dosadašnjem toku rata.

Savjet se sastoji od stalnog i promjenljivog dijela.

Stalni dio Savjeta sastoji se od predsjednika, zamjenika predsjednika, sekretara i tri člana, koje imenuje Predsjedništvo

Republike, i članova po funkciji - komandant Glavnog štaba oružanih snaga, ministar odbrane i ministar unutarnjih poslova.

Promjenljivi dio Savjeta sačinjavaju ministri u Vladi Republike, zavisno o oblasti o kojoj se raspravlja na sjednici".

**Član 3.**

U članu 9. alineji 8. iza riječi "razrješava" dodaje se riječ "komandanta".

**Član 4.**

U članu 28. stav 1. riječ "Načelnika" zamjenjuje se riječima "Komandanta, načelnika".

**Član 5.**

Ova uredba stupa na snagu danom objavljivanja u "Službenom listu RBiH".

PR broj 1527/93  
18. juli 1993. godine  
Sarajevo

Predsjednik  
Predsjedništva RBiH,  
Alija Izetbegović, s. r.

**377**

Na osnovu Amandmana LI tačka 5. stav 3. na Ustav Republike Bosne i Hercegovine, na prijedlog Vlade Republike Bosne i Hercegovine, Predsjedništvo Republike Bosne i Hercegovine, donosi

## UREDBU SA ZAKONSKOM SNAGOM O IZMJENAMA I DOPUNAMA UREDBE SA ZAKONSKOM SNAGOM O VOJNOJ OBAVEZI

**Član 1.**

U Uredbi sa zakonskom snagom o vojnoj obavezi ("Službeni list RBiH", broj 11/92), u čl. 1. i 2. stav 1. riječ: "građanin" u različitim padežima, zamjenjuje se riječju "državljanin" u odgovarajućem padežu.

**Član 2.**

U članu 4. stav 4. briše se.

**Član 3.**

U članu 5. iza stava 2. dodaju se novi st. 3, 4. i 5, koji glase:  
"Za vrijeme ratnog stanja žene mogu dobrovoljno služiti vojni rok, odnosno služiti u rezervnom sastavu oružanih snaga, ukoliko postoji potreba za popunom jedinica, a ne može se ista izvršiti sa vojnim obveznicima muškog pola i ukoliko je zdrava i sposobna za vršenje vojne službe.

Kada se ukaže potreba za prevodenjem žena dobrovoljaca u rezervni sastav, komanda jedinice ranga puk-brigada ili više predložiće opštinskom sekretarijatu za narodnu odbranu prevodenje žena dobrovoljaca u rezervni sastav. Danom dostavljanja rješenja jedinici, ženi dobrovoljcu prestaje svojstvo vojnog lica.

Vojni obveznici muškarci kojima je istekla obaveza služenja u rezervnom sastavu oružanih snaga, mogu ostati na dužnosti u jedinici isključivo po svom zahtjevu, ukoliko postoji potreba za popunom i ukoliko su zdravi i sposobni za vršenje vojne službe".

**Član 4.**

U članu 19. iza stava 2. dodaje se novi stav 3, koji glasi:

"Izuzetno od stava 1. ovog člana, za vrijeme ratnog stanja, vojnik koji je odslužio vojni rok prevodi se u rezervni sastav i zadržava se u Armiji odnosno u oružanim snagama do donošenja odluke o ukidanju-prestanku ratnog stanja u Republici BiH.

**Član 5.**

U članu 62. stav 4. iza tačke 2) dodaje se nova tačka 3) koja glasi:

"3) za vrijeme ratnog stanja jedinica odnosno ustanova oružanih snaga Republike BiH".

Iza stava 4. dodaje se novi stav 5. koji glasi:

"Jedinice odnosno ustanove oružanih snaga Republike BiH iz tačke 3. ovog člana dužne su da dostave nadležnim općinskim organima uprave za poslove obrane, prema mjestu evidencije vojnih obveznika, odnosno prema posljednjem prebivalištu

vojnog obveznika, izvještaj o izdavanju vojne knjižice, sa serijskim brojem vojne knjižice i datumom stupanja u oružane snage."

Dosadašnji st. 5, 6. i 7. postaju st. 6, 7. i 8.

#### Član 6.

Ova uredba stupa na snagu danom objavljivanja u "Službenom listu RBiH".

PR broj 1528/93  
18. juli 1993. godine  
Sarajevo

Predsjednik  
Predsjedništva RBiH,  
Alija Izetbegović, s. r.

378

Na osnovu Amandmana LI tačka 5. stav 3. na Ustav Republike Bosne i Hercegovine, na prijedlog Vlade Republike Bosne i Hercegovine, Predsjedništvo Republike Bosne i Hercegovine, donosi

### UREDBU SA ZAKONSKOM SNAGOM O IZMJENAMA I DOPUNAMA UREDBE SA ZAKONSKOM SNAGOM O POSEBNIM VOJNIM SUDOVIMA

#### Član 1.

U Uredbi sa zakonskom snagom o posebnim vojnim sudovima ("Službeni list RBiH", broj 12/92), u članu 7. iza riječi "to", dodaje se riječi "ne".

#### Član 2.

U članu 15. iza stava 6. dodaje se nova oznaka člana:

"Član 16."

#### Član 3.

U članu 16. stav 2. riječi: "smrtna kazna ne izvrši, zamjenjuju se riječima: "osuđeni oslobodi od izvršenja smrtno kazne".

#### Član 4.

Ova uredba stupa na snagu danom objavljivanja u "Službenom listu RBiH".

PR broj 1529/93  
18. juli 1993. godine  
Sarajevo

Predsjednik  
Predsjedništva RBiH,  
Alija Izetbegović, s. r.

379

Na osnovu Amandmana LI tačka 5. stav 3. na Ustav Republike Bosne i Hercegovine, Predsjedništvo Republike Bosne i Hercegovine na prijedlog Vlade Republike Bosne i Hercegovine, donosi

### UREDBU SA ZAKONSKOM SNAGOM O PLAĆANJU DOPLATNE MARKE ZA FINANSIRANJE ORUŽANIH SNAGA REPUBLIKE BOSNE I HERCEGOVINE

#### Član 1.

Na sve poštanske pošiljke u unutrašnjem poštanskom saobraćaju na teritoriji Republike Bosne i Hercegovine, osim novina i časopisa i poštanske pošiljke za inostranstvo, plaća se doplatna marka od 10.000 BHD u 1993. godini.

#### Član 2.

Novčana sredstva ostvarena prodajom doplatne marke prihod su republičkog budžeta i koriste se namjenski za finansiranje oružanih snaga Republike Bosne i Hercegovine.

#### Član 3.

Štampanje i distribuciju doplatne marke, kao i način i dinamiku uplate sredstava ostvarenih prodajom doplatne marke, obavljaće Javno preduzeće PTT saobraćaja Bosne i Hercegovine, putem svojih jedinica PTT mreže, u skladu sa ugovorom između Ministarstva finansija i Javnog preduzeća PTT saobraćaja Bosne i Hercegovine.

#### Član 4.

Ova uredba stupa na snagu danom objavljivanja u "Službenom listu RBiH".

PR broj 1531/93  
18. juli 1993. godine  
Sarajevo

Predsjednik  
Predsjedništva RBiH,  
Alija Izetbegović, s. r.

380

Na osnovu Amandmana LI tačka 5. stav 3. na Ustav Republike Bosne i Hercegovine, Predsjedništvo Republike Bosne i Hercegovine, na prijedlog Vlade Republike Bosne i Hercegovine, donosi

### UREDBU SA ZAKONSKOM SNAGOM

#### O IZMJENAMA I DOPUNAMA UREDBE SA ZAKONSKOM SNAGOM O PRIMJENJIVANJU ZAKONA O PROMETU NEPOKRETNOSTI ZA VRIJEME RATNOG STANJA ILI U SLUČAJU NEPOSREDNE RATNE OPASNOSTI

#### Član 1.

U Uredbi sa zakonskom snagom o primjenjivanju Zakona o prometu nepokretnosti za vrijeme ratnog stanja ili u slučaju neposredne ratne opasnosti ("Službeni list RBiH", broj 21/92) u članu 2. iza stava 3. dodaje se novi stav 4, koji glasi:

"Zabrana iz stava 1. ovog člana ne odnosi se na primjenu člana 16. Zakona o prometu nepokretnosti, kada se prenos zgrada, stanova i poslovnih prostorija vrši radi stvaranja uslova za smještaj diplomatsko-konzularnih predstavništava i rezidencija stranih zemalja."

#### Član 2.

Ova uredba stupa na snagu danom objavljivanja u "Službenom listu RBiH".

PR broj 1532/93  
18. juli 1993. godine  
Sarajevo

Predsjednik  
Predsjedništva RBiH,  
Alija Izetbegović, s. r.

381

Na osnovu Amandmana LI tačka 5. stav 3. na Ustav Republike Bosne i Hercegovine, Predsjedništvo Republike Bosne i Hercegovine, na prijedlog Vlade Republike Bosne i Hercegovine, donosi

### UREDBU

#### SA ZAKONSKOM SNAGOM O SUDSKIM TAKSAMAMA

#### I - OPŠTE ODREDBE

#### Član 1.

Ovom uredbom propisuje se način plaćanja sudskih taksa u postupku pred sudovima u Republici Bosni i Hercegovini (u daljem tekstu: Republika).

#### Član 2.

Postupci u kojim se plaća sudska taksa i visina takse za pojedine radnje, utvrđuju se taksonom tarifom.

#### Član 3.

Takseni obveznik je lice po čijem predlogu ili u čijem interesu se preduzimaju radnje predviđene ovom uredbom.

Za podneske i zapisnike koji zamjenjuju podneske, takseni obveznik je lice koje podnosi, odnosno lice po čijem se zahtjevu zapisnik sastavlja.

Za odluke suda prvog stepena takseni obveznik je tužilac odnosno predlagač, a za sudske poravnane - obje stranke ako se drukčije ne sporazumiju.

Ako za istu taksu postoje dva ili više obveznika njihova obaveza je solidarna.

## Član 4.

Ako ovom uredbom nije drukčije propisano, taksena obaveza nastaje:

- 1) za podneske - u trenutku kada se predaju, a za podneske date na zapisnik - kad je zapisnik završen;
- 2) za sudske odluke - kad se objavljuju, a ako stranka nije prisutna objavljivanju ili ako odluka nije objavljena - kad se stranci ili njenom zastupniku uruči prepis odluke;
- 3) za sudska poravnanja - kad se zaključuje;
- 4) za paušalnu taksu u postupku stečaja odnosno redovne likvidacije - kad odluka o glavnoj diobi postane pravosnažna, a u postupku prinudnog poravnanja van stečaja - kad rješenje kojim se odobrava zaključeno poravnanje postane pravosnažno;
- 5) za ostale radnje - kad se zatraži njihovo preduzimanje, odnosno kad sud počne postupanje.

## Član 5.

Taksa se plaća u trenutku nastanka taksene obaveze, ako ovom uredbom nije drugačije propisano.

## Član 6.

Za podneske u upravnim sporovima o zdravstvenim, penzijskim i invalidskim stvarima, o stvarima starateljstva, usvojenja i socijalne pomoći, sudska taksa se plaća samo, ako tužba bude pravosnažno odbijena ili odbačena.

Taksa za presudu u upravnom postupku plaća se samo kad sud odbije tužbu.

Taksena obaveza iz st. 1. i 2. ovog člana nastaje u roku od 15 dana od dana prijema naloga za plaćanje takse.

## Član 7.

Sudske takse plaćaju se u sudskim taksenim markama ili u gotovom novcu.

Sudske takse se plaćaju u gotovom novcu ako je iznos takse veći od 50.000 dinara.

Taksa iz stava 2. ovog člana prihod je Republike i plaća se na uplatni račun prihoda od sudskih taksa kod Službe društvenog knjigovodstva Bosne i Hercegovine (u daljem tekstu: Služba). Potvrda o uplati takse prilaže se uz podnesak za koji je taksa plaćena, a kad se podnosi potvrda o plaćenju taksi za sudske odluke, takseni obveznik je dužan naznačiti broj odluke za koju se taksa plaća.

## Član 8.

Neplaćena ili nedovoljno plaćena taksa nije zapreka prijemu podneska niti zadržava tok sudskog postupka.

Ako stranka zahtjeva, sud je dužan primiti neposredno od stranke i podneske koji nisu taksirani ili su nedovoljno taksirani.

U slučaju iz st. 1. i 2. ovog člana taksa se naplaćuje na način predviđen u članu 38. ove uredbe.

## Član 9.

Pravo na naplatu sudske takse zastarijeva u roku od dvije godine po isteku godine u kojoj je taksu trebalo platiti.

## II - OSLOBODENJE OD PLAĆANJA TAKSE

## Član 10.

Od plaćanja takse oslobođeni su:

- 1) društveno-političke zajednice i njihovi organi;
- 2) radnici u postupku za ostvarivanje prava po osnovu radnog odnosa;
- 3) humanitarne organizacije;
- 4) građani slabog imovnog stanja;
- 5) strani državljani i strane države ako je to predviđeno međunarodnim ugovorom ili pod uslovima reciprociteta.

Gradaninom slabog imovnog stanja u smislu stava 1. tačke 4. ovog člana, smatra se lice koje se prema propisima društveno-političke zajednice na čijoj teritoriji ima prebivalište smatra licem slabog imovnog stanja.

U slučaju sumnje o postojanju reciprociteta mišljenje daje Ministarstvo pravosuđa i uprave.

## Član 11.

U postupku po predlogu za oslobađanje od plaćanja takse uvjerenje o imovnom stanju može se uzeti u obzir samo ako od izdavanja uvjerenja do podnošenja predloga za oslobađanje nije proteklo više od šest mjeseci.

Ako sudski postupak traje duže od dvije godine, lice oslobođeno od plaćanja takse dužno je da po isteku druge i svake dalje godine podnese novo uvjerenje o imovnom stanju.

## Član 12.

Oslobađanje od plaćanja takse u parničnom postupku daje se primjenom odredaba Uredbe sa zakonskom snagom o preuzimanju Zakona o parničnom postupku ("Službeni list RBiH", broj 2/92 - u daljem tekstu: Zakon o parničnom postupku).

Pod uslovima propisanim Zakonom o parničnom postupku daje se oslobađanje od plaćanja takse i u vanparničnom, izvršnom, u krivičnom postupku po privatnoj tužbi, kao i postupku u upravnim sporovima.

## Član 13.

Oslobađanje od plaćanja takse u parničnom, vanparničnom i krivičnom postupku važi i u postupku izvršenja odluka donesenih u tim postupcima, ako se izvršenje predloži u roku od tri mjeseca od dana pravosnažno okončanog postupka.

Oslobađanje od plaćanja takse u vanparničnom i izvršnom postupku važi i u parničnom postupku koji nastane u toku i povodom vanparničnog ili izvršnog postupka.

## Član 14.

Rješenje o oslobađanju od plaćanja takse primjenjuje se od dana kad je sudu podnesen predlog za oslobađanje i važi za sve podneske i radnje za koje je po odredbama čl. 4. i 5. ove uredbe nastala taksena obaveza tog dana ili kasnije.

U slučajevima iz člana 5. ove uredbe oslobađanje od plaćanja takse obuhvata i podneske podnesene prije predloga za oslobađanje od plaćanja takse, ako je predlog podnesen prije isteka roka određenog za plaćanje.

## Član 15.

Staralac odsutnog lica čije je boravište nepoznato i staralac o imovini čiji je vlasnik nepoznat, kao i od suda postavljani privremeni zastupnik stranke u postupku, nisu dužni da plaćaju taksu za lice koje zastupaju. Naplata ovih taksa vrši se iz imovine lica koje je zastupano.

## Član 16.

Oslobađanje od plaćanja takse koristi samo licu kome je priznato oslobađanje.

Kad više lica zajednički predaju podnesak ili zajednički preduzmu radnje u postupku a jedno ili više njih je oslobođeno od plaćanja takse, lice koje nije oslobođeno od plaćanja takse dužno je da plati taksu kao da nema oslobođenih lica, osim u slučajevima platnog suparničarstva iz člana 196. stav 1. tačka 2. Zakona o parničnom postupku.

## Član 17.

Ako u parničnom ili izvršnom postupku ili u krivičnom postupku po privatnoj tužbi stranka koja je oslobođena od plaćanja takse uspije u postupku, takse koje bi ona bila dužna da plati da nije bila oslobođena od plaćanja takse, platiće stranka koja ne uživa oslobađanje od plaćanja takse i to u srazmjeri u kojoj je oslobođena stranka uspjela u postupku.

Ako stranke u postupku zaključie sudske poravnanje, taksu za poravnanje koju bi imala da plati oslobođena stranka, platiće stranka koja nije u toj stvari oslobođena od plaćanja takse.

Izuzetno od odredbe stava 1. ovog člana u slučaju kad postoje uslovi iz člana 177. stav 4. Zakona o parničnom postupku, sud može naplatiti taksu od stranke oslobođene od plaćanja takse, bez obzira na odredbu stava 1. ovog člana.

## III - UTVRĐIVANJE VRIJEDNOSTI RADI NAPLATE TAKSE

## 1. Utvrđivanje vrijednosti u parničnom postupku

## Član 18.

U parničnom postupku takse se plaćaju prema vrijednosti predmeta spora.

Vrijednost predmeta spora radi naplate takse (u daljem tekstu: taksena osnovica) utvrđuje se prema vrijednosti koju ima predmet spora u vrijeme podnošenja tužbe.

## Član 19.

Ako se jednom tužbom obuhvati više zahtjeva protiv istog tuženog, bez obzira da li se svi zahtjevi zasnivaju na istom činjeničnom i pravnom osnovu, taksena obaveza određuje se prema zbiru vrijednosti svih zahtjeva.

U slučaju suparničarstva iz člana 196. stav 1. tačka 2. Zakona o parničnom postupku, taksena osnovica određuje se prema vrijednosti svakog pojedinog zahtjeva.

Taksena osnovica u slučajevima iz člana 188. stav 2. i člana 197. stav 2. Zakona o parničnom postupku, određuje se prema zahtjevu čija je vrijednost veća.

## Član 20.

U diobnim parnicama kao taksena osnovica uzima se vrijednost onog dijela imovine koju tužilac traži da mu se izdvoji diobom iz zajedničke imovine.

Ako je predmet spora nasljedno pravo na cijeloj zaostavštini kao taksena osnovica uzima se vrijednost čiste zaostavštine, a ako je predmet spora samo dio zaostavštine ili određena stvar iz zaostavštine kao taksena osnovica uzima se čista vrijednost tog dijela odnosno te stvari.

## Član 21.

Taksena osnovica u vlasničkim i posjedovnim sporovima o nepokretnostima određuje se prema prometnoj vrijednosti stvari koja je predmet spora, ali ne može biti manja:

- 1) za zemljište - od petogodišnjeg iznosa katastarskog prihoda sa tog zemljišta,
- 2) za zgrade ili posebne dijelove zgrada od petogodišnjeg iznosa stanarine, odnosno zakupnine.

## Član 22.

U parnicama u kojima je predmet spora izvršenje kakve radnje, ili načinjenje, ili izjava volje, ili utvrđivanje da postoji ili ne postoji neko pravo ili pravni odnos, ili da se utvrdi istinitost ili neistinitost neke isprave, kao taksena osnovica uzima se iznos koji je tužilac označio u tužbi, s tim da taj iznos ne može biti manji od 500.000 dinara.

## Član 23.

U parnicama za poništenje izabranog suda u parničnom postupku, kao taksena osnovica uzima se iznos koji je stranci dosuđen, a ako se tužbeni zahtjev ne odnosi na novčani iznos, mjerodavna je vrijednost koju je tužilac označio u tužbi, ali ne može biti manja od 5.000.000 dinara.

U parnicama za proglašenje prestanka važnosti ugovora o izabranom sudu, kao taksena osnovica uzima se iznos od 5.000.000 dinara.

## Član 24.

Kao taksena osnovica uzima se:

- 1) u sporovima o utvrđivanju postojanja ili nepostojanja braka, o poništenju braka ili razvodu braka iznos od 5.000.000 dinara,
  - 2) u sporovima o utvrđivanju reda prvenstva potraživanja u izvršnom postupku - visina potraživanja.
- Ako se zajedno s brakorazvodnim sporom ili sporom o utvrđivanju očinstva raspravlja i zahtjev za izdržavanje djeteta ili bračnog druga, naplaćivaće se samo jedna taksa i to prema vrijednosti prema kojoj se naplaćuje taksa za brakorazvodni spor odnosno za spor o utvrđivanju očinstva.

## Član 25.

Ako se prema odredbama čl. 18. do 24. ove uredbe, ne može utvrditi taksena osnovica, taksa će se naplaćivati na vrijednost u iznosu od 500.000 dinara.

## Član 26.

Kad je za plaćanje takse na pravni lijek mjerodavna vrijednost predmeta spora u prvostepenom postupku, taksa za pravni lijek plaća se prema taksenoj osnovici utvrđenoj ovom uredbom.

## Član 27.

Ako tuženi prigovori da je u tužbi visoko označena vrijednost predmeta spora, sud će rješenjem odrediti vrijednost. Ovaj prigovor tuženi može istaći najkasnije do završetka pripremnog ročišta, a ako pripremno ročište nije održano - na prvom ročištu za glavnu raspravu, dok se nije upustio u raspravljanje.

Sud može i po službenoj dužnosti utvrditi vrijednost predmeta spora ako smatra da je vrijednost označena u tužbi niska. Ovo ispitivanje vrijednosti sud može preduzeti najkasnije do početka raspravljanja o glavnoj stvari.

Protiv rješenja iz st. 1. i 2. ovog člana dozvoljena je žalba prema odredbama Zakona o parničnom postupku.

## 2. Utvrđivanje vrijednosti u izvršnom postupku

## Član 28.

U izvršnom postupku plaća se taksa prema vrijednosti zahtjeva koji treba ispuniti ili obezbijediti.

Pri utvrđivanju vrijednosti zahtjeva u izvršnom postupku shodno se primjenjuju odredbe ove uredbe koje važe za utvrđivanje vrijednosti spora u parničnom postupku.

Parnični troškovi, odnosno troškovi postupka i sporedna potraživanja uzimaju se u obzir samo ako su ti troškovi i potraživanja sami predmet zahtjeva koje treba izvršiti ili obezbijediti.

Ako je izvršnom postupku prethodila parnica o istom zahtjevu, kao vrijednost zahtjeva za naplatu u izvršnom postupku uzima se vrijednost predmeta utvrđena u parnici, ako se ne zahtjeva manji iznos.

## Član 29.

U izvršnom postupku za izdržavanje djeteta kao vrijednost mjerodavna za naplatu takse ne može se uzeti iznos veći od 1.000.000 dinara.

## Član 30.

Kad podnosilac zahtjeva za izvršenje ne naznači vrijednost mjerodavnu za naplatu takse, a ta vrijednost nije utvrđena po odredbama, čl. 28. i 29. ove uredbe kao taksena osnovica uzima se iznos od 5.000.000 dinara.

## Član 31.

U izvršnom postupku primjenjivaće se odredbe člana 27. ove uredbe.

## 3. Utvrđivanje vrijednosti u postupku u upravnim sporovima

## Član 32.

Ako ovom uredbom i taksonom tarifom nije drukčije određeno, u upravnim sporovima plaća se taksa prema vrijednosti predmeta spora, ako je predmet spora procjenjiv.

Procjenjiv je predmet upravnog spora čija se vrijednost može sa sigurnošću utvrditi, o čemu sud odlučuje po slobodnoj ocjeni.

Vrijednost predmeta procjenjivog upravnog spora utvrđuje se shodno odredbama ove uredbe o utvrđivanju vrijednosti predmeta spora u parničnom postupku.

## Član 33.

U postupku u upravnim sporovima primjenjivaće se shodno odredbe člana 27. ove uredbe.

## 4. Utvrđivanje vrijednosti u ostalim postupcima

## Član 34.

Kad je u postupku prinudnog poravnjanja, postupku redovne likvidacije i stečajnom postupku, za plaćanje sudske takse mjerodavna vrijednost zahtjeva, za utvrđivanje vrijednosti shodno će se primjenjivati odredbe ove uredbe koje važe za parnični postupak, ako u taksenoj tarifi propisanoj ovom uredbom nije drukčije određeno.

## 5. Promjena vrijednosti u toku postupka

## Član 35.

Prvobitna vrijednost spora ostaje kao taksa osnovica bez obzira što se ta vrijednost promijenila u toku postupka, ako ovom uredbom nije drukčije određeno.

Ako sud, u smislu odredaba člana 27. ove uredbe, utvrdi novu vrijednost predmeta spora, ta nova vrijednost uzima se kao taksa osnovica kad se rješenje suda o tome saopšti strankama.

Kada se vrijednost promijeni usljed preinačenja zahtjeva ili djelimičnog rješenja zahtjeva, kao taksa osnovica uzima se promjena vrijednosti za sve podneske i radnje poslije takve promjene. Ako se vrijednost promijenila usljed izjave stranke u podnesku, po promijenjenoj vrijednosti plaća se taksa i za taj podnesak.

Ako se pravnim lijekom pobija odluka samo u jednom dijelu, kao taksa osnovica za pravni lijek uzima se vrijednost samo pobijanog dijela.

Ako pravni lijek ulažu obje stranke, taksa za pravni lijek određuje se posebno za svaku stranku, prema vrijednosti onog dijela odluke koji se pravnim lijekom pobija.

U statusnim sporovima, u sporovima po tužbi za utvrđenje i u sporovima u kojima se tužbeni zahtjev ne odnosi na novčani iznos, kao taksa osnovica za pravni lijek mjerodavna je vrijednost prema kojoj je plaćena taksa za tužbu.

Za pravni lijek koji se ulaže samo protiv odluke o troškovima postupka ili sporednim potraživanjima taksa se plaća samo prema iznosu troškova postupka ili sporednih potraživanja.

## IV - POSTUPAK ZA NAPLATU NEPLAĆENE TAKSE

## Član 36.

Ako stranka prisustvuje sudskoj radnji za koju je dužna platiti taksu, a taksu ne plati odmah, sud će je upozoriti da je dužna taksu platiti u roku od 15 dana od dana datog upozorenja i skreneće joj pažnju na posljedice neplaćanja takse u ovom roku. Isto tako sud će postupiti i kada stranka neposredno predaje sudu podnesak koji nije taksiran ili je nedovoljno taksiran.

Ako stranka ne prisustvuje sudskoj radnji za koju je dužna da plati taksu, ili putem pošte dostavi podnesak koji nije pravilno taksiran, sud će je pozvati da taksu plati u roku od 15 dana od dana dostave naloga i upozoriće je na posljedice neplaćanja takse u tom roku u smislu člana 38. ove uredbe.

## Član 37.

Kad je taksu dužno da plati fizičko lice koje ima prebivalište u inostranstvu bez obzira da li je državljanin Republike, odnosno pravno lice sa sjedištem u inostranstvu ili strani državljanin, a taksu nije platio u trenutku nastanka taksene obaveze, sud će voditi popis neplaćenih taksa i po završenom postupku izdaće nalog za plaćanje takse, s tim da rok za plaćanje takse ne može biti kraći od 30 ni duži od 90 dana.

## Član 38.

Ako takseni obveznik - fizičko lice ne plati taksu u roku određenom u čl. 36. i 37. ove uredbe, sud će zatražiti od nadležnog opštinskog organa uprave na čijem području se nalazi prebivalište taksenog obveznika da se naplata dužne takse izvrši prinudnim putem.

Po prijemu zahtjeva nadležni opštinski organ uprave donijeće rješenje kojim će taksenom obvezniku naložiti da u roku

od 15 dana od dana prijema rješenja plati dužnu taksu kao i 50% od te takse na ime kaznene takse. Ako takseni obveznik u ovom roku ne plati taksu, pristupiće se prinudnoj naplati obje takse. Naplata prinudnim putem vrši se po propisima o prinudnoj naplati poreza.

## Član 39.

Ako takseni obveznik - fizičko lice nema prebivalište odnosno sjedište u Republici, sud će zahtjev iz člana 38. stav 1. ove uredbe dostaviti nadležnom opštinskom organu uprave na čijem se području nalazi imovina taksenog obveznika.

## Član 40.

Ako je takseni obveznik pravno lice sud će rješenjem utvrditi iznos neplaćene takse i kaznene takse i rješenje dostaviti Službi kod koje se vodi žiro-račun taksenog obveznika radi naplate takse.

Protiv rješenja iz stava 1. ovog člana pravno lice može izjaviti žalbu nadležnom drugostepenom sudu u roku od 15 dana od dana dostave rješenja. Žalba ne zadržava naplatu takse.

## Član 41.

Ako neplaćena taksa u jednom predmetu čija je odluka postala pravosnažna, ne prelazi iznos od 30.000 dinara, sud neće preduzimati mjere iz čl. 36. do 40. ove uredbe.

## V - POVRAĆAJ TAKSE

## Član 42.

Lice koje je platilo taksu koju nije bilo dužno da plati ili je platilo taksu u iznosu većem od propisanog, kao i lice koje je platilo taksu, a sudska radnja nije iz bilo kojih razloga izvršena, ima pravo na povraćaj takse.

Postupak za povraćaj takse pokreće se na zahtjev stranke.

Zahtjev za povraćaj takse podnosi se sudu koji je rješavao u prvom stepenu. Sud je dužan da u roku od 30 dana od dana prijema zahtjeva, donese rješenje o povraćaju takse.

## Član 43.

Stranka ima pravo na povraćaj plaćene takse za tužbu ili žalbu ako u postupku u upravnim sporovima upravni akt po tužbi bude poništen ili ako odluka prvostepenog suda po žalbi bude ukinuta ili preinačena ili ako se dozvoli obnova postupka.

## Član 44.

Pravo na povraćaj takse zastarijeva za dvije godine po isteku godine u kojoj je taksa plaćena.

## VI - NADZOR NAPLATE TAKSE

## Član 45.

Nadzor nad izvršenjem odredaba ove uredbe vrši Ministarstvo finansija.

## VII - TARIFA SUDSKIH TAKSA

## Član 46.

Sudske takse plaćaju se po slijedećoj tarifi:

## TAKSENA TARIFA

## I PARNIČNI I IZVRŠNI POSTUPAK

## 1. PODNESCI

## Tarifni broj 1.

1. Za tužbu, za protivtužbu i za predlog za ponavljanje postupka plaća se prema vrijednosti predmeta spora slijedeća taksa:

- do 5.000.000 dinara vrijednosti 1% takse

- na iznose preko 5.000.000 dinara vrijednosti daljih 0,5% takse a najviše 3.000.000 dinara takse.

2. Za tužbu u sporovima izdržavanja plaća se taksa u iznosu od 15.000 dinara.

3. Za tužbu za utvrđivanje i osporavanje očitstva plaća se taksa u iznosu od 15.000 dinara.

4. Za tužbu zbog smetanja posjeda plaća se taksa u iznosu od 30.000 dinara.

5. Za tužbu zbog iseljenja iz stana i za otkaz ugovora o korišćenju stana plaća se taksa u iznosu od 30.000 dinara.

6. Za tužbu zbog otkaza ugovora o najmu ili zakupu stvari i za tužbu o otkazu ugovora o zakupu poslovnih prostorija plaća se taksa u iznosu od 60.000 dinara.

7. Za tužbu u kojoj je stavljen predlog za izdavanje platnog naloga plaća se polovina takse iz tač. 1. ovog tarifnog broja.

8. Za predlog za pokušaj poravnania plaća se polovina takse iz tač. 1. ovog tarifnog broja.

9. Za predlog da se dozvoli izvršenje ili obezbjeđenje ili izda privremena mjera, za prigovor protiv platnog naloga, za predlog za povraćaj u predašnje stanje ili za predlog za obezbjeđenje dokaza, za odgovor na žalbu ili reviziju, plaća se polovina takse iz tačke 1. ovog tarifnog broja.

10. Za predlog da se prizna odluka inostranog suda u statusnim stvarima, odnosno utvrdi da je odluka inostranog suda podobna za izvršenje plaća se taksa u iznosu od 3000 dinara a na žalbu protiv rješenja donesenog o predlogu 6.000 dinara.

11. Za žalbu ili reviziju protiv presude i za žalbu protiv rješenja u sporovima zbog suctanja posjeda, plaća se dvostruka taksa iz tačke 1. ovog tarifnog broja.

12. Za žalbu ili reviziju protiv rješenja, plaća se taksa iz tačke 1. ovog tarifnog broja.

13. Za žalbu protiv rješenja kojim se usvaja ili odbija predlog za povraćaj u predašnje stanje plaća se polovina takse iz tačke 1. ovog tarifnog broja.

#### NAPOMENA:

1. Za podnesak primljen na zapisnik kod suda kao i za podnesak primljen na zapisnik u toku rasprave, plaća se taksa predviđena za odnosni podnesak.

2. Kad je već u tužbi stavljen predlog za izdavanje privremene mjere ili kada se u žalbi stavi predlog za povraćaj u predašnje stanje, plaća se pored takse za tužbu, odnosno žalbu, i taksa za odnosni predlog.

3. Za predlog da se dozvoli izvršenje ili obezbjeđenje ili da se izda privremena mjera, odnosno naredba, plaća se jedna taksa i kad se predloži istovremeno ili naknadno više sredstava izvršenja odnosno obezbjeđenja.

4. Ako je u kom od podnesaka navedenih u ovom tarifnom broju stavljen zahtjev za upis u zemljišne knjige, neće se naplaćivati i taksa predviđena za podnesak kojim se traži upis u zemljišnu knjigu.

5. Za predlog kojim se daje otkaz ugovora o zakupu poslovnih prostorija, plaća se polovina takse iz tačke 6. ovog tarifnog broja.

6. Za žalbu protiv rješenja prvostepenog suda plaća se taksa samo ako se žalbom pobija rješenje koje podliježe plaćanju takse po tarifnom broju 2.

7. Za podneske koji nisu navedeni u ovom tarifnom broju kao i za predloge uz podneske ne plaća se taksa.

## 2. Odluke

### Tarifni broj 2.

1. Za prvostepenu presudu plaća se taksa prema taksenoj osnovici iz tarifnog broja 1.

2. Za presudu zbog izostanka, presudu na osnovu odricanja kao i za presudu na osnovu priznanja plaća se polovina takse iz tačke 1. ovog tarifnog broja.

3. Za rješenje o odbacivanju tužbe koje se donosi po članu 288. stav 2. Zakona o parničnom postupku ili u toku prvostepenog postupka, plaća se polovina takse iz tačke 1. ovog tarifnog broja, ali ne više od 30.000 dinara.

4. Za rješenje o izdavanju platnog naloga, plaća se polovina takse iz tačke 1. ovog tarifnog broja.

5. Za rješenje o predlogu za dozvolu izvršenja ili obezbjeđenja za rješenje o izdavanju privremene mjere, plaća se polovina takse iz tačke 1. ovog tarifnog broja.

6. Za rješenje kojim se usvaja ili odbija predlog za povraćaj u predašnje stanje plaća se polovina takse iz tačke 1. ovog tarifnog broja, ali ne više od 30.000 dinara.

7. Za rješenje o predlogu za priznanje odluke inostranog suda u statusnim stvarima, odnosno utvrđivanja da je odluka inostranog suda podobna za izvršenje, plaća se taksa u iznosu od 15.000 dinara.

#### NAPOMENA:

1. Obaveza plaćanja takse za prvostepenu odluku ne zavisi od toga da li je odluka postala pravosnažna.

2. Za prvostepene odluke koje nisu navedene u ovom tarifnom broju, kao i za odluke suda drugog i trećeg stepena, ne plaća se taksa.

3. Ako viši sud ukinu odluku nižeg suda i predmet uputi na novo raspravljanje nižem sudu, plaćena taksa za ukinutu odluku uračunava se u taksu za novu odluku ili za poravnanje. Ovako će se postupiti i kad Vrhovni sud Bosne i Hercegovine uvaži zahtjev za zaštitu zakonitosti. Isto tako, uračunaće se taksa plaćena za prvostepenu odluku koja je ukinuta povodom usvojenog predloga za povraćaj u predašnje stanje ili predloga za ponavljanje postupka u taksu za novu odluku koja bude donesena poslije povraćaja u predašnje stanje, odnosno ponavljanja postupka. U slučaju uračunavanja, ako je taksa plaćena za prvu odluku veću od takse koju treba platiti za drugu odluku, neće se vraćati razlika takse.

4. Za dopunsku presudu ili rješenja neće se plaćati taksa ako je za odluku koja je dopunjena plaćena taksa prema punoj taksenoj osnovici.

5. Ako je u toku parnice donesena međupresuda, plaća se taksa na puni iznos taksene osnovice. U takvom slučaju neće se plaćati taksa za konačnu odluku koja bude donesena poslije međupresude.

6. Ako je u toku parnice donesena djelimična presuda plaća se taksa prema vrijednosti zahtjeva o kome je odlučeno. Taksa za konačnu odluku plaća se prema vrijednosti ostatka zahtjeva koji nije riješen djelimičnom presudom.

7. Taksa za izdavanje platnog naloga uračunava se u taksu za odluku suda koja bude donesena povodom prigovora protiv platnog naloga, odnosno u taksu za poravnanje ako se spor ne završi presudom.

8. Taksa za odluku po predlogu za izdavanje privremene mjere, kao i taksa za odluku povodom tužbe u kojoj je stavljen predlog za izdavanje platnog naloga plaća se prilikom podnošenja predloga odnosno tužbe.

9. Taksa iz tačke 3. ovog tarifnog broja ne plaća se za rješenje o odbacivanju tužbe koje se donese u toku prethodnog ispitivanja tužbe (član 282. Zakona o parničnom postupku).

10. Za presudu suda prvog stepena koja je donesena u vezi sa protivtužbom plaća se taksa kao da je o protivtužbi posebno raspravljeno.

11. Ako je više parnica spojeno radi zajedničkog raspravljanja, taksa za presudu plaća se posebno za svaku parnicu, kao da ne postoji spajanje više parnica.

## 3. Sudsko poravnanje

### Tarifni broj 3.

1. Za sudsko poravnanje u toku prvostepenog postupka plaća se prema vrijednosti na koju su se stranke poravnale, polovina takse iz tačke 1. tarifnog broja 2.

2. Ako je predmet poravnania neprocjenjiv, za poravnanje se plaća 15.000 dinara.

#### NAPOMENA:

1. Ako je međupresudom odlučeno po osnovu zahtjeva, a potom se zaključi poravnanje o iznosu zahtjeva, ne plaća se taksa za poravnanje.

2. Za prvi prepis zapisnika o poravnanju koji se izdaje stranki, na njen zahtjev, ne plaća se taksa.

## II - VANPARNIČNI POSTUPAK

## A - OPŠTE ODREDBE

## Tarifni broj 4.

Za predlog kojim se pokreće postupak u vanparničnoj stvari plaća se taksa u iznosu od 15.000 dinara.

## NAPOMENA:

1. Taksa iz ovog tarifnog broja plaća se u vanparničnim postupcima koji nisu predviđeni u tarifnim brojevima 7. do 12. ove taksene tarife.

2. U svim vanparničnim postupcima primjenjivaće se shodno odredbe tačke 4. napomene uz tarifni broj 1.

## Tarifni broj 5.

Za odluku suda u vanparničnoj stvari plaća se taksa u iznosu od 15.000 dinara.

## NAPOMENA:

1. Taksa iz ovog tarifnog broja plaća se u vanparničnim postupcima koji nisu predviđeni u tarifnom broju 7. do 12. ove taksene tarife.

## Tarifni broj 6.

Za sudsko poravnanje u svim vanparničnim stvarima plaća se taksa iz tarifnog broja 3. ove taksene tarife.

## Tarifni broj 7.

Za žalbu protiv odluke suda prvog stepena u vanparničnoj stvari ukoliko navedenim stavom 2. ovog tarifnog broja nije za pojedine vanparnične stvari drukčije određeno, plaća se 30.000 dinara.

## 2. Za žalbu protiv:

- odluke o predlogu da se provede dioba zajedničke imovine, plaća se 60.000 dinara;

- odluke o predlogu za uređenje meda, plaća se 45.000 dinara.

## NAPOMENA:

1. Odredbe napomene 1. i 3. uz tarifni broj 2. primjenjivaće se shodno u vanparničnom postupku.

2. Za podneske koji nisu navedeni u ovom tarifnom broju kao i priloge uz podneske, ne plaća se taksa.

## B. POSEBNE ODREDBE ZA POJEDINE VRSTE VANPARNIČNOG POSTUPKA

## 1. Postupak za raspravljavanje zaostavštine

## Tarifni broj 8.

Na raspravljavanje zaostavštine plaća se taksa prema vrijednosti čiste zaostavštine i to:

- do 5.000.000 dinara vrijednosti 1% takse

- na iznose preko 5.000.000 dinara vrijednosti daljih 0,5% takse a najviše 1.500.000 dinara takse.

## NAPOMENA:

1. Taksa se plaća samo ako je postupak za raspravljavanje zaostavštine završen donošenjem rješenja o nasljeđivanju.

2. Taksu plaćaju nasljednici u srazmjeri nasljednih dijelova.

3. Prilikom utvrđivanja čiste vrijednosti zaostavštine odbiće se ostaviočevi dugovi, troškovi sahrane ostavioca, legati i drugi tereti, troškovi popisa i procjene zaostavštine, i drugi troškovi.

4. Ne plaća se posebna taksa za diobu nasljedstva ako nasljednici sporazumno predlože diobu i sporazum o diobi bude unesen u rješenje o nasljeđivanju.

5. Za predlog da se provede ostavinska rasprava i za druge podneske u toku postupka za raspravljavanje zaostavštine ne plaća se taksa.

## 2. Sastavljanje i čuvanje testamenta

## Tarifni broj 9.

1. Za sastavljanje sudskog testamenta plaća se taksa u iznosu od 30.000 dinara.

2. Za čuvanje testamenta u sudu i za opozivanje testamenta pred sudom plaća se taksa u iznosu od 30.000 dinara.

3. Za vraćanje testamenta, koji se nalazi na čuvanju u sudu, plaća se taksa u iznosu od 15.000 dinara.

## NAPOMENA:

1. Taksa iz tač. 1. i 2. ovog tarifnog broja plaća se bez obzira da li je testament sastavljen odnosno opozvan u sudskoj zgradi ili izvan sudske zgrade.

2. Za vraćanje testamenta, koji se zamjenjuje plaća se taksa po tački 3. ovog tarifnog broja.

## 3. Postupak za diobu

## Tarifni broj 10.

Za predlog da se provede dioba zajedničke imovine, plaća se taksa u iznosu od 30.000 dinara.

## 4. Postupak za uređenje meda

## Tarifni broj 11.

Za predlog za uređenje meda, plaća se taksa u iznosu od 25.000 dinara.

## 5. Ovjeravanje potpisa, rukopisa, prepisa i prevoda

## Tarifni broj 12.

1. Za podnesak kojim se traži ovjera potpisa, rukopisa ili prepisa, plaća se taksa u iznosu od 4.500 dinara.

2. Za ovjeru svakog potpisa (rukoznaka), plaća se taksa u iznosu od 1.500 dinara.

3. Za ovjeru prepisa plaća se taksa za prvi polutabak 4.500 dinara, a za svaki sljedeći polutabak 1.500 dinara.

4. Za ovjeru rukopisa plaća se taksa za prvi polutabak 4.500 dinara, a na svaki sljedeći polutabak 1.500 dinara.

5. Za ovjeru potpisa sudskog tumača na prevodima plaća se taksa u iznosu od 4.500 dinara.

6. Za ovjeru potpisa na punomoćju plaća se taksa u iznosu od 3.000 dinara.

7. Za ovjeru potpisa na ugovorima plaća se taksa u iznosu od 10.000 dinara.

8. Za podnesak, odnosno ovjeru produženja roka važenja ugovora plaća se 50% od iznosa takse iz tačke 1. ovog tarifnog broja.

9. Ako se ovjerava prepis isprave pisane na stranom jeziku plaća se dvostruka taksa iz tačke 3. ovog tarifnog broja.

10. Za podnesak kojim se traži ovjeravanje isprava potrebnih za ostvarivanje prava iz socijalnog osiguranja u inostranstvu, kao i za ovjeravanje tih isprava, ne plaća se taksa.

## NAPOMENA:

1. Potpisi na ispravi koju izdaje državni organ, potpisi ovlaštenih lica za potpisivanje firme ili pravnog lica smatraju se kao jedan potpis, ako su propisima ili pravilima ovlaštena za potpisivanje dva ili više lica.

2. Za podnesak kojim se traži ovjera potpisa (rukoznaka) na ispravi plaća se jedna taksa bez obzira koliko se potpisa (rukoznaka) na ispravi ovjerava.

3. Kad stranka preda sudu u toku postupka prepis isprave na kom radniku suda svojim potpisom potvrdi da je vidio izvornik, za takvu potvrdu ne plaća se taksa.

4. Za ovjeru potpisa (rukoznaka) i pečata plaća se jedna taksa.

5. Ako se jednim podneskom traži ovjera potpisa (rukoznaka) na više isprava plaća se taksa na podnesak onoliko puta koliko ima isprava ili rukopisa.

6. Pod polutabakom podrazumijeva se list hartije od dvije strane normalne kancelarijske veličine. Započeti polutabak računa se kao cijeli.

7. Za ovjeru potpisa na punomoćju odnosno ugovoru plaća se jedna taksa, bez obzira da li se ovjerava jedan ili više potpisa.

## III - ZEMLJIŠNO-KNJIŽNI POSTUPAK

## 1. Podnesci

Tarifni broj 13.

Za podnesak kojim se traži upis prava vlasništva, upis ili brisanje uknjižbe, zabilježbe ili predbilježbe, kao i upis prava korištenja na nekretninama u društvenoj svojini, plaća se taksa u iznosu od 15.000 dinara.

## NAPOMENA:

1. Ako se jednim podneskom traži upis ili brisanje prava kod više sudova ili kad, u slučaju zajedničkog založnog prava, treba provesti upise i u sporednim ulošcima kod raznih sudova, bez obzira što stranke u svom podnesku izričito ne traže te upise, plaća se taksa onoliko puta koliko ima sudova kod kojih upis i brisanje treba izvršiti.

## 2. Upis

Tarifni broj 14.

1. Za uknjižbu ili za predbilježbu prava vlasništva, ako pravni posao ili osnov sticanja nepokretnosti na osnovu čega se ima izvršiti upis ne podliježe porezu na promet nepokretnosti i prava, plaća se taksa u iznosu od 30.000 dinara.

2. Za uknjižbu ili predbilježbu prava vlasništva po osnovu ugovora o poklonu i stvarnog prava stečenog po osnovu dospelosti plaća se taksa u iznosu od 30.000 dinara.

3. Za uknjižbu ili predbilježbu stvarnih prava i njima jednakih prava, izuzev prava iz tač. 1. i 2. ovog tarifnog broja, plaća se na ime takse:

- ako je predmet prava procjenjiv 15.000 dinara
- ako je predmet prava neprocjenjiv 25.000 dinara
- za upis prava upravljanja na zgradama i drugim nepokretnostima 15.000 dinara

4. Za zabilješku prinudne uprave i dozvolu prinudne prodaje, ako za istu tražbinu već nije upisano založeno pravo na nepokretnostima, plaća se na ime takse 15.000 dinara.

5. Za zabilješku prvenstvenog rada i uknjižbu ustupanja prvenstva kao i za ostale zabilježbe, plaća se taksa u iznosu od 15.000 dinara.

6. Za žalbu protiv odluka suda o upisu ili brisanju prava, plaća se dvostruka taksa iz ovog tarifnog broja.

## NAPOMENA:

1. Taksu za upis dužno je platiti lice u čiju se korist vrši upis. Ako upis traži lice čije se pravo ograničava, opterećuje, ukida ili prenosi na drugo lice, jamči i ono za plaćanje takse solidarno sa licima u čiju se korist upis vrši.

2. Taksa za upis se plaća i kad se upis vrši po službenoj dužnosti, ako se ne radi o upisu koji je oslobođen od takse.

3. Ako se na osnovu jednog zahtjeva upisuje više prava u korist jednog lica kod istog suda, taksa se plaća onoliko puta koliko se upisa traži.

4. Taksa za upis plaća se i kad se upis vrši u toku parničnog, vanparničnog ili izvršnog postupka.

5. Ako se upis uknjižbe ili predbilježbe odlukom višeg suda u cjelini ili djelimično ukinе ili izmjeni, vraća se na zahtjev cjelokupno plaćena taksa, odnosno njen srazmjerni dio.

6. Ne plaća se taksa iz ovog tarifnog broja za:

- potpuno ili djelimično brisanje nekog upisanog prava,
- službene radnje u postupku uređenja, osnivanja i ispravljanja zemljišnih knjiga, osim ako je greška nastala krivicom titulara prava, u postupku usklađivanja zemljišnih knjiga sa faktičkim stanjem, kao i u postupku za obnavljanje uništenih zemljišnih knjiga ukoliko se vjerodostojnom ispravom utvrdi da je upis prije bio proveden,
- upis u korist društveno-političkih zajednica,
- zabilješku privremene uprave određene u toku postupka prinudne javne prodaje, kao i za zabilješku prinudne uprave određene umjesto prinudne javne prodaje,
- naknadni upis suvlasnika supruga na osnovu sudske odluke, ako je jedan od supruga upisan kao vlasnik u zemljišnim

knjigama, kao i za upis kojim se označava idealni dio svakog supruga na nepokretnosti koje su u njihovom suvlasništvu,

- upis založenog prava bankarskih i štedno-kreditnih organizacija, preduzeća i drugih zajmodavaca za zajmove radnicima i penzionerima za izgradnju, adaptaciju, ili kupovinu stambenih zgrada i stanova.

## 3. Izazivački postupak

Tarifni broj 15.

Za rješenje povodom prigovora vjerovnika protiv otcjepljenja dijela nepokretnosti ili razmjene zemljišta u izazivačkom postupku po pravilima o zemljišno-knjižnim diobama, otpisima i prenosima plaća se taksa u iznosu od 15.000 dinara.

## NAPOMENA:

Taksu iz ovog tarifnog broja plaća lice koje je pokrenulo postupak za besteretni otpis dijela zemljišno-knjižnog tijela.

## IV - KRIVIČNI POSTUPAK PO PRIVATNOJ TUŽBI

## 1. Podnesci

Tarifni broj 16.

1. Za privatnu tužbu i protivtužbu plaća se taksa u iznosu od 30.000 dinara.

2. Za predlog za povraćaj u predašnje stanje plaća se taksa u iznosu od 15.000 dinara.

3. Za zahtjev za ponavljanje krivičnog postupka plaća se taksa u iznosu od 15.000 dinara.

## NAPOMENA:

Za naknadni podnesak kojim se krivični postupak proširuje na druga krivična djela protiv istog okrivljenog, koja se gone po privatnoj tužbi, plaća se taksa po tački 1. ovog tarifnog broja.

## 2. Odluka

Tarifni broj 17.

Za presudu suda i za rješenje kojima se izriče sudska opomena, plaća se taksa u iznosu od 30.000 dinara.

## NAPOMENA:

1. Taksa na presudu plaća se samo jedanput, bez obzira na broj privatnih tužilaca i broj krivičnih djela koja su obuhvaćena jednom presudom.

2. Ako su za više krivičnih djela jednog lica usljed razdvajanja postupka donesene posebne presude suda, plaća se taksa za presudu samo jedanput.

3. Ako je presudom odbijena tužba zbog nenadležnosti suda, uračunaće se plaćena taksa za ovu presudu uz taksu za presudu nadležnog suda. Ako je taksa koja se uračunava veća, višak se neće vraćati. Ako se presuda usljed žalbe, predloga za povraćaj u predašnje stanje ili ponavljanja krivičnog postupka ukinе, uračunaće se taksa plaćena za ukinutu presudu u taksu za novu presudu.

4. Za odluke suda koje nisu navedene u ovom tarifnom broju ne plaća se taksa.

## V - TAKSE U POSTUPKU PRINUDNOG PORAVNANJA, REDOVNE LIKVIDACIJE I STEČAJA

## 1. Podnesci

Tarifni broj 18.

1. Za predlog da se otvori postupak prinudnog poravnanja redovne likvidacije i stečaja, plaća se 15.000 dinara.

2. Za prijavu povjerilaca u postupku redovne likvidacije i stečaja, plaća se 15.000 dinara.

3. Za prijavu povjerilaca u postupku prinudnog poravnanja, plaća se polovina takse iz stava 2. ovog tarifnog broja.

4. Za žalbu protiv odluke stečajnog vijeća u stečajnom postupku i postupku redovne likvidacije, odnosno vijeća poravnanja u postupku za prinudno poravnanje, plaća se 30.000 dinara.

**NAPOMENA:**

1. Kao osnov za plaćanje takse na prijave povjerilaca uzima se iznos tražbine koji povjerilac prijavljuje. Pri tome će se uzimati da uslovljena tražbina nije uslovljena. Ako jedan povjerilac prijavi više tražbina taksa se plaća na ukupan iznos tražbina. Ako povjerilac naknadno snizi prijavljenu tražbinu, taksa se plaća prema visini snižene tražbine od trenutka sniženja.

2. Taksa se ne plaća:

- za podneske stečajnog upravnika,
- za podneske koji nisu označeni u ovom tarifnom broju i za priloge uz podneske.

**2. Paušalna taksa**

Tarifni broj 19.

Paušalna taksa plaća se:

1. U stečajnom postupku, postupku redovne likvidacije i u postupku prinudnog poravnanja od zbira iznosa koji su prijavljeni ili stoje na raspolaganju za podmirenje dugova stečajne mase - 1% a najviše 3.000.000 dinara.

**NAPOMENA:**

1. Paušalna taksa smatra se kao dug stečajne odnosno likvidacione mase. Ovu taksu dužan je da položi stečajni upravitelj nakon pravosnažnosti rješenja o glavnoj ili naknadnoj diobi.

2. Paušalnu taksu za prinudno poravnanje plaća društveno pravno lice u čiju korist je odobreno poravnanje.

3. Paušalna taksa po ovom tarifnom broju plaća se u roku od 15 dana od dana dostave naloga za plaćanje takse.

**VI - UPIS U SUDSKI REGISTAR****1. Podnesci**

Tarifni broj 20.

Za podnesak za upis u sudski registar subjekata upisa plaća se 20.000 dinara.

**NAPOMENA:**

1. Taksa po ovom tarifnom broju ne plaća se za podnesak kojim se prijavljuje upis otvaranja postupka prinudnog poravnanja, redovne likvidacije i stečaja.

2. Ako se jednim podneskom traži više upisa za isti subjekat upisa, plaća se samo jedna taksa iz ovog tarifnog broja.

3. Za podneske koji nisu označeni u ovom tarifnom broju kao i za priloge uz podneske, ne plaća se taksa.

**2. Upis u registar**

Tarifni broj 21.

1. Za upis osnivanja subjekta upisa plaća se 50.000 dinara.

2. Za upis statusnih promjena subjekta upisa plaća se 30.000 dinara.

3. Za upis lica ovlaštenog za zastupanje subjekta upisa, bez obzira da li se vrši promjena već upisanih lica ili ne, plaća se 15.000 dinara.

4. Za upis promjene firme, odnosno naziva firme plaća se 30.000 dinara.

5. Za ostale upise svake nastale promjene upisanih podataka u registar plaća se 15.000 dinara.

**NAPOMENA:**

1. U slučaju spajanja dva ili više subjekata upisa, pored takse za podnesak, plaća se i taksa za brisanje svakog pojedinog dosadašnjeg subjekta upisa iz tačke 5. ovog tarifnog broja, kao i taksa za upis osnivanja novog subjekta iz tačke 1. ovog tarifnog broja.

2. U slučaju pripajanja, pored takse za podnesak, plaća se taksa za brisanje subjekata upisa koji se pripajaju iz tačke 5. ovog tarifnog broja, kao i taksa za upis pripajanja drugom subjektu iz tačke 5. ovog tarifnog broja.

3. Kad se sjedište subjekta upisa premješta na područje istog višeg suda, plaća se odgovarajuća taksa iz tarifnog broja 20. kao i iz tačke 5. ovog tarifnog broja.

Kad se sjedište subjekta upisa premješta sa područja jednog na područje drugog višeg suda, plaća se kod suda novog sjedišta taksa kao i pri registraciji novoosnovanog subjekta upisa.

4. Za upis imenovanja privremenog organa ili otvaranja postupka prinudnog poravnanja, stečajnog postupka i redovne likvidacije ne plaća se taksa.

5. Ako se jednim podneskom traži više upisa, plaća se taksa za svaki upis.

6. Taksa iz tačke 3. ovog tarifnog broja plaća se samo ako se upis lica ovlaštenih za zastupanje firme traži poslije upisa i osnivanje subjekta upisa.

**3. Objavljivanje**

Tarifni broj 22.

Za dostavljanje upisnih podataka radi objavljivanja u "Službenom listu RBiH", plaća se 15.000 dinara.

**NAPOMENA:**

Za objavljivanje podataka čije je upisivanje traženo jednim podneskom, plaća se samo jedna taksa iz ovog tarifnog broja.

**VII - POSTUPAK U UPRAVNIM SPOROVIMA****1. Podnesci**

Tarifni broj 23.

1. Za tužbu protiv upravnog akta, plaća se 15.000 dinara.

2. Za tužbu za ponavljanje postupka, plaća se 15.000 dinara.

3. U sporovima u deviznim stvarima plaća se taksa povećana za 50%.

**NAPOMENA:**

1. Za predlog da se izda rješenje kojim se zamjenjuje upravni akt i za druge podneske koji nisu navedeni u ovom tarifnom broju kao i za priloge iz podneska, ne plaća se taksa.

2. Po ovom tarifnom broju plaća se taksa u upravno-računskom sporu.

**2. Odluke**

Tarifni broj 24.

Za presudu u upravnom sporu plaća se 15.000 dinara takse.

**VII - POSEBNI SLUČAJEVI****1. Sudska uvjerenja i potvrde**

Tarifni broj 25.

1. Za podnesak kojim se traži izdavanje uvjerenja, plaća se 1.500 dinara.

2. Za uvjerenje plaća se 5.000 dinara.

**NAPOMENA:**

1. Ako se jednim uvjerenjem posvjedočava više činjenica, osobina, odnosa ili okolnosti, plaća se jedna taksa.

2. Za potvrdu da je taksa izdana u obliku uvjerenja plaća se taksa po ovom tarifnom broju. Ne plaća se taksa ako se izdaje samo priznanica o plaćenju taksi.

3. Ne plaća se taksa iz ovog tarifnog broja za potvrde koje sud izdaje stranci, svjedoku, vještaku ili tumaču da su prisustvovali ročištu, ako su oni bili obavezni da prisustvuju i ako im ta potvrda služi isključivo radi pravdanja izostanka sa posla.

4. Za potvrdu o pravosnažnosti ili izvršnosti koja se stavlja na sudski otporak, ne plaća se taksa.

5. Taksa za uvjerenje lijepi se na samom podnesku kojim se traži izdavanje uvjerenja.

6. Ako se uvjerenje izdaje u dva ili više primjeraka, za drugi i svaki daljnji primjerak, plaća se polovina takse iz ovog tarifnog broja.

**2. Punomoć**

Tarifni broj 26.

1. Za izdavanje usmene punomoći na zapisnik pred sudom plaća se 15.000 dinara.

2. Za usmeno opozivanje ili otkaz punomoći pred sudom plaća se 15.000 dinara.

3. Za sudsku obavijest o opozivu ili otkazu punomoći, plaća se 15.000 dinara.

#### NAPOMENA:

1. Ako više lica ovlaštenih za potpisivanje pravnog lica izdaje punomoć jednom zastupniku, plaća se taksa za jednu punomoć.

2. Ne plaća se taksa za pismenu punomoć koja se podnosi neovjerena sudu za dokaz o zastupanju.

3. Ne plaća se taksa iz ovog tarifnog broja za izdavanje usmene punomoći na zapisnik pred sudom u krivičnom postupku za djela za koja se goni po službenoj dužnosti i u postupku po privrednim prestupima.

4. Taksa po ovom tarifnom broju lijepi se na sudski zapisnik.

5. Za izdavanje usmene punomoći po tački 1. ovog tarifnog broja plaća se jedna taksa i kad više lica istovremeno izdaju punomoć jednom ili većem broju lica.

### 3. Razmatranje spisa

Tarifni broj 27.

Za razmatranje završenih sudskih spisa plaća se 45.000 dinara.

#### NAPOMENA:

1. Ne plaća se taksa za razmatranje spisa po kojima je postupak u toku ako spise razmatra stranka ili njen zastupnik, odnosno punomoćnik.

2. Za pismeni ili usmeni zahtjev da se dozvoli razmatranje spisa, ne plaća se taksa.

### 4. Prepisi

Tarifni broj 28.

1. Za pismeni ili usmeni zahtjev da se izvrši prepisivanje sudskog akta, plaća se 4.500 dinara.

2. Za prepisivanje sudskih akata kao i za prepisivanje akata iz zbirke isprava koje je sud izvršio na zahtjev stranke, plaća se od svake započete stranice originala 3.000 dinara.

3. Ako se istovremeno sudski prepis ovjerava, plaća se posebna taksa za ovjeravanje 3.000 dinara.

4. Ako se prepisivanje vrši na stranom jeziku, plaća se dvostruka taksa iz ovog tarifnog broja.

5. Za prepis raspravnog zapisnika koji je izrađen istovremeno sa sastavljanjem samog originala (putem indiga), plaća se polovina takse iz tačke 1. ovog tarifnog broja.

#### NAPOMENA:

1. Taksa za zahtjev i prepis lijepi se na zahtjevu kojim se traži prepisivanje, a u slučaju usmenog zahtjeva na spisu.

### 5. Izvodi iz sudskog registra

Tarifni broj 29.

Za izvode iz sudskog registra, ako se izdaju na zahtjev stranke, plaća se po jednoj stranci 3.000 dinara.

#### NAPOMENA:

1. Kad je izvod sačinila sama stranka i podnijela ga sudu na potvrdu plaća se polovina takse iz ovog tarifnog broja.

2. Za pismeni ili usmeni zahtjev stranke da joj se izda izvod, ne plaća se taksa.

### 6. Izvodi iz javnih knjiga

Tarifni broj 30.

1. Za izvode iz zemljišnih knjiga ili drugih javnih knjiga koje vodi sud, ako se izdaju na zahtjev stranke, plaća se taksa u iznosu od 3.000 dinara.

2. Kad je izvod sastavila sama stranka i podnijela ga sudu na potvrdu plaća se polovina takse iz ovog tarifnog broja.

#### NAPOMENA:

1. Za pismeni ili usmeni zahtjev stranke da joj se izda izvod, ne plaća se taksa.

### 7. Sudski depozit

Tarifni broj 31.

Za čuvanje (depozit) novca, stvari i papira od vrijednosti na zahtjev stranke, plaća se godišnje 1% od deponovane vrijednosti.

#### NAPOMENA:

1. Ova taksa ne plaća se na depozit koji se polaže na zahtjev državnih organa ako se podigne u roku.

2. Taksa se plaća za prvu godinu unaprijed, a za ostale godine prilikom podizanja depozita. Započeta godina računa se kao cijela. U slučaju prenosa depozita iz jednog u drugi sud na zahtjev deponenta, za prenos se plaća iznos jednogodišnje takse.

3. Ako se vrijednost stvari ne može procijeniti po njihovoj prirodi, izvršice se procjena od strane vještaka o trošku deponenta.

### 8. Protesti

Tarifni broj 32.

1. Za molbu za protest mjenice, čeka i drugih isprava ili ugovora zbog neakceptiranja, neisplate ili neispunjavanja, plaća se taksa u iznosu od 4.500 dinara.

2. Za protest plaća se taksa u iznosu od 10.000 dinara.

#### NAPOMENA:

1. Taksa iz ovog tarifnog broja plaća se na proteste koji se podnose na propisima o mjenici i čeku, kao i na zamjene protesta.

2. Ako se jednom molbom traži više protesta odnosno zamjena protesta plaća se jedna taksa za molbu, ali se i u tom slučaju plaća posebna taksa za svaki protest, odnosno zamjenu protesta.

### 9. Pravna pomoć

Tarifni broj 33.

1. Za podnesak koji se predaje usmeno na zapisnik pred sudom, plaća se taksa predviđena u tarifi za odnosni podnesak.

2. Za sastavljanje pred sudom ugovora o zemljišno-knjižnim stvarima, plaća se taksa u iznosu od 15.000 dinara.

#### NAPOMENA:

1. Pored takse iz tačke 2. ovog tarifnog broja plaća se i taksa za odnosni podnesak, kao i taksa za upis u zemljišnu knjigu, ako se istovremeno sa sastavljanjem ugovora traži i upis.

2. Pri sastavljanju ugovora po tački 2. ovog tarifnog broja ne plaća se taksa za ovjeru potpisa po tarifnom broju 12.

3. Za tačku 2. ovog tarifnog broja važi tačka 8. tarifnog broja 12.

### 10. Ostali predmeti

Tarifni broj 34.

1. Za predlog stranke da sud postavi sudiju ili predsjednika izbranog suda (član 475. st. 1. i 2. Zakona o parničnom postupku), plaća se 15.000 dinara.

2. Za predlog o izuzeću sudije izbranog suda (član 477. Zakona o parničnom postupku), plaća se 1.500 dinara.

3. Za sastavljanje potvrde o pravosnažnosti i izvršnosti presude izbranog suda, plaća se 6.000 dinara.

Tarifni broj 35.

Za opomenu kojom se takseni obveznik poziva da plati taksu koju bi bio dužan da plati i bez opomene, plaća se taksa u iznosu od 15.000 dinara.

## VIII - PRELAZNE I ZAVRŠNE ODREDBE

Član 47.

Propise o emitovanju i distribuciji sudskih taksenih maraka donosi Vlada Republike Bosne i Hercegovine (u daljem tekstu: Vlada).

Član 48.

Za vrijeme ratnog stanja ili u slučaju neposredne ratne opasnosti sudske takse plaćaju se isključivo u gotovom novcu

## Član 49.

Vlada može odlukom povećati sudske takse propisane u odjeljku VII ove uredbe, ako inflacija dostigne nivo od najmanje 25 % mjesečno.

## Član 50.

U poslovima sudske uprave primjenjuju se odredbe o administrativnim taksama propisane Uredbom sa zakonskom snagom o Tarifi republičkih administrativnih taksa ("Službeni list RBiH", broj 24/92).

## Član 51.

Za podneske, radnje i isprave po kojima je taksen obaveza nastala do dana stupanja na snagu ove uredbe, taksa se plaća po Zakonu o sudskim taksama ("Službeni list SRBiH", br. 21/77, 5/88, 42/89 i 22/90).

## Član 52.

Danom stupanja na snagu ove uredbe prestaje da važi Zakon o sudskim taksama ("Službeni list SRBiH", br. 21/77, 5/88, 42/89 i 22/90).

## Član 53.

Ova uredba stupa na snagu danom objavljivanja u "Službenom listu RBiH".

PR broj 1535  
18. juli 1993. godine  
Sarajevo

Predsjednik  
Predsjedništva RBiH,  
Alija Izetbegović, s. r.

## 382

Na osnovu Amandmana LI tačka 5. stav 3. na Ustav Republike Bosne i Hercegovine, Predsjedništvo Republike Bosne i Hercegovine, na prijedlog Vlade Republike Bosne i Hercegovine, donosi

## UREDBU SA ZAKONSKOM SNAGOM O IZMJENAMA I DOPUNAMA UREDBE SA ZAKONSKOM SNAGOM O PUTNIM ISPRAVAMA DRŽAVLJANA REPUBLIKE BOSNE I HERCEGOVINE

## Član 1.

U Uredbi sa zakonskom snagom o putnim ispravama državljana Republike Bosne i Hercegovine ("Službeni list RBiH", broj 4/92) u članu 2. stav 1. u uvodnoj rečenici iza riječi "reciprociteta" dodaju se riječi: "odnosno na osnovu međudržavnog ugovora".

U stavu 2. na kraju tačka se zamjenjuje zarezom i dodaju riječi: "ukoliko međudržavnim ugovorom nije drukčije utvrđeno."

## Član 2.

U članu 3. stav 2. mijenja se i glasi:

"Kao putna isprava za putovanje u inostranstvo članovima posade na plovilima u pomorskom, riječnom i jezerskom saobraćaju služi pomorska odnosno brodarska knjižica sa vizom izdatom u smislu ove uredbe."

## Član 3.

U članu 4. iza stava 1. dodaje se novi stav 2, koji glasi:

"Državljanin Republike može imati samo jednu putnu ispravu iste vrste."

## Član 4.

U članu 5. stav 1. u trećem redu riječi: "ili oba" zamjenjuju se riječju "od".

## Član 5.

U članu 6. u stavu 2. na kraju tačka se zamjenjuje zarezom i dodaju riječi: "ili od nadležnog diplomatskog ili konzularnog predstavništva Republike u inostranstvu."

## Član 6.

Član 10. briše se.

## Član 7.

U članu 11. stav 3. mijenja se i glasi:

"Viza na pasoš, zajednički pasoš, diplomatski pasoš, službeni pasoš i putni list izdaje se sa rokom važenja koji ne može biti duži od roka važenja putne isprave."

Iza stava 3. dodaju se novi st. 4. i 5, koji glase:

"Viza na pomorsku i brodarsku knjižicu izdaje se sa rokom važenja od pet godina.

Viza na putnu ispravu koja se izdaje na osnovu međudržavnog ugovora izdaje se sa rokom važenja takve isprave, ali ne dužim od pet godina."

## Član 8.

Član 16. briše se.

## Član 9.

U članu 17. stav 1. u tač. 1. i 2. i stavu 2, članu 31. stav 2. i članu 36. stav 1. riječi: "za narodnu odbranu" zamjenjuju se riječju "odbrane".

## Član 10.

U članu 18. u stavu 2. iza riječi "prebivalište" dodaju se riječi: "o čemu obavještava nadležni organ".

## Član 11.

Član 20. mijenja se i glasi:

## "Član 20.

Diplomatski pasoš i službeni pasoš izdaje Ministarstvo inostranih poslova uz saglasnost Ministarstva unutrašnjih poslova."

## Član 12.

U članu 26. u stavu 1. iza riječi "isprave" dodaju se riječi "i vize".

U stavu 2. riječi: "državnog organa" zamjenjuju se riječima: "republičkog državnog organa, organizacije ili ustanove utvrđenih propisom iz člana 46. tačka 1. ove uredbe."

Iza stava 2. dodaje se novi stav 3, koji glasi:

"Vize na pasoš, zajednički pasoš i pomorsku i brodarsku knjižicu izdaju se na lični zahtjev, a vize na diplomatske i službene pasoše izdaju se na zahtjev nadležnog republičkog državnog organa, organizacije ili ustanove utvrđenih propisom iz člana 46. tačka 1. ove uredbe."

U dosadašnjem stavu 3. koji postaje stav 4. iza riječi "isprave" dodaju se riječi: "i vize".

## Član 13.

U članu 27. u stavu 2. iza riječi "isprave" dodaju se riječi: "i vize".

## Član 14.

U članu 32. u st. 1. i 2. iza riječi "isprave" odnosno "ispravu" dodaju se riječi: "ili vize".

## Član 15.

U članu 33. stav 1. u tački 3) riječi: "organa nadležnog za narodnu odbranu" zamjenjuju se riječima: "nadležnog organa odbrane".

## Član 16.

U čl. 37. i 41. riječi: "za unutrašnje poslove" zamjenjuju se riječima: "unutrašnjih poslova".

## Član 17.

U članu 42. stav 1. u tački 2) broj "3" zamjenjuje se brojem "4".

## Član 18.

Član 44. mijenja se i glasi:

## "Član 44.

Ovlašćuje se ministar unutrašnjih poslova da donese propis o:

- 1) obrascu pasoša, zajedničkog pasoša, putnog lista i vize,
- 2) obrascu zahtjeva za izdavanje pasoša, zajedničkog pasoša i vize,
- 3) postupku izdavanja putnih isprava i viza i načinu vođenja evidencije o izdatim pasošima, zajedničkim pasošima i vizama i načinu vođenja registra nestalih putnih isprava.

Ovlašćuje se ministar unutrašnjih poslova da utvrdi cijenu putnih i drugih isprava državljana Republike."

#### Član 19.

U članu 45. riječi: "propíše način" zamjenjuju se riječima: "donese propis o postupku izdavanja putnih isprava i viza i načinu".

#### Član 20.

Član 46. mijenja se i glasi:

#### "Član 46.

Ovlašćuje se ministar inostranih poslova da u saglasnosti sa ministrom unutrašnjih poslova donese propis o:

1) izdavanju diplomatskog i službenog pasoša i viza (uslovi, postupak i način izdavanja i vođenja evidencije o izdatim i produženim diplomatskim i službenim pasošima i vizama izdatim na te pasoše i obrasci tih pasoša i viza),

2) obrascu zahtjeva za izdavanje pasoša i viza u diplomatskom ili konzularnom predstavništvu Republike."

#### Član 21.

Član 48. mijenja se i glasi:

#### "Član 48.

Putne isprave bivše SFRJ i vize izdate na te isprave važe do roka važenja navedenog u putnoj ispravi i vizi, a najduže do 31. 12. 1993. godine."

#### Član 22.

Iza člana 49. dodaje se novo poglavlje: "X - PRIMJENA UREDBE ZA VRIJEME RATNOG STANJA ILI U SLUČAJU NEPOSREDNE RATNE OPASNOSTI" i čl. 49a, 49b, 49c, 49d. i 49e, koji glase:

#### "Član 49a.

Ova uredba primjenjuje se za vrijeme ratnog stanja ili u slučaju neposredne ratne opasnosti, osim u pitanjima utvrđenim u čl. 49b. do 49e. ove uredbe.

#### Član 49b.

Za vrijeme ratnog stanja ili neposredne ratne opasnosti putne isprave izdaju se sa rokom važenja od dvije godine.

#### Član 49c.

Ako nadležna stanica iz člana 18. stav 1. ove uredbe ne funkcioniše zbog ratnog stanja, putnu ispravu i vizu može izdati teritorijalno najbliža stanica javne bezbjednosti Ministarstva unutrašnjih poslova koja funkcioniše.

Licima koja imaju status raseljenog lica, putnu ispravu i vizu može izdati stanica javne bezbjednosti Ministarstva unutrašnjih poslova prema mjestu boravišta tog lica na osnovu lične karte izdate u skladu sa članom 23. Uredbe sa zakonskom snagom o ličnoj karti ("Službeni list RBiH", broj 15/92).

#### Član 49d.

Gradaninu koji boravi u inostranstvu duže od tri mjeseca putnu ispravu i vizu može izdati diplomatsko ili konzularno predstavništvo Republike na čijem području boravi ako posjeduje putnu ispravu bivše SFRJ izdatu na teritoriji Republike ili u diplomatskom ili konzularnom predstavništvu bivše SFRJ, ukoliko je prije odlaska u inostranstvo imao prebivalište na teritoriji Republike.

Ako građanin iz stava 1. ovog člana nema dokaz o državljanstvu Republike, ili se ta činjenica ne može utvrditi na podlozi drugih dokaznih sredstava, za utvrđivanje te činjenice može se kao dokazno sredstvo uzeti i usmeno data izjava građanina.

Prije uzimanja izjave službeno lice koje vodi postupak dužno je upoznati građanina na krivičnu i materijalnu odgovornost za davanje lažne izjave.

Izjava iz stava 2. ovog člana daje se u diplomatskom ili konzularnom predstavništvu Republike u prisustvu dva svjedoka koji su državljani Republike.

#### Član 49e.

Stanice javne bezbjednosti Ministarstva unutrašnjih poslova i diplomatska ili konzularna predstavništva Republike koji

izdaju putne isprave i vize po odredbama čl. 49c. i 49d. stav 2. ove uredbe vode evidenciju o primljenim zahtjevima i izdatim putnim ispravama i vizama na propisan način, ali odvojeno od evidencija za čije vođenje su nadležni prema odredbi člana 8. Pravilnika o obrascima putnih isprava državljana Republike ("Službeni list RBiH", broj 5/92)."

#### Član 23.

Danom stupanja na snagu ove uredbe prestaje da važi Uredba sa zakonskom snagom o primjeni Uredbe sa zakonskom snagom o putnim ispravama državljana Republike Bosne i Hercegovine za vrijeme ratnog stanja ("Službeni list RBiH", broj 19/92).

#### Član 24.

Ovlašćuje se Komisija za organizaciono-kadrovska pitanja Predsjedništva Republike Bosne i Hercegovine da utvrdi Prečišćeni tekst Uredbe sa zakonskom snagom o putnim ispravama državljana Republike Bosne i Hercegovine.

#### Član 25.

Ova uredba stupa na snagu danom objavljivanja u "Službenom listu RBiH".

PR broj 1533  
18. juli 1993. godine  
Sarajevo

Predsjednik  
Predsjedništva RBiH,  
Alija Izetbegović, s. r.

### 383

Na osnovu Amandmana LI tačka 5. stav 3. na Ustav Republike Bosne i Hercegovine, Predsjedništvo Republike Bosne i Hercegovine, donosi

## UREDBU SA ZAKONSKOM SNAGOM O IZMJENAMA AMANDMANA LXXIII NA USTAV REPUBLIKE BOSNE I HERCEGOVINE

#### Član 1.

U Amandmanu LXXIII na Ustav Republike Bosne i Hercegovine ("Službeni list SRBiH", broj 21/90), u tački 1. u stavu 6. riječi "Teritorijalne odbrane Republike" zamjenjuju se riječima "Glavnog štaba oružanih snaga Republike".

#### Član 2.

Ova uredba stupa na snagu danom objavljivanja u "Službenom listu RBiH".

PR broj 1539  
18. juli 1993. godine  
Sarajevo

Predsjednik  
Predsjedništva RBiH,  
Alija Izetbegović, s. r.

### 384

Na osnovu člana 155. stav 6. Zakona o izvršenju krivičnih i prekršajnih sankcija - Prečišćeni tekst ("Službeni list SRBiH", br. 2/84, 12/87, 25/88 i 27/90 i "Službeni list RBiH", broj 6/92), Vlada Republike Bosne i Hercegovine, donosi

## RJEŠENJE

### O RAZRJEŠENJU UPRAVNIKA OKRUŽNOG ZATVORA U SARAJEVU

Razrješava se FADIL KREHO dužnosti upravnika Okružnog zatvora u Sarajevu, zbog ispunjavanja uslova za penzionisanje.

Ovo rješenje objaviti u "Službenom listu RBiH".

V broj 199/93  
5. avgusta 1993. godine  
Sarajevo

Potpredsjednik  
Vlade RBiH,  
mr Hadžo Efendić, s. r.

**385**

Na osnovu člana 155. stav 6. Zakona o izvršenju krivičnih i prekršajnih sankcija - Prečišćeni tekst ("Službeni list SRBiH", br. 2/84, 12/87, 25/88 i 27/90 i "Službeni list RBiH", broj 6/92), Vlada Republike Bosne i Hercegovine, donosi

**RJEŠENJE****O POSTAVLJENJU UPRAVNIKA OKRUŽNOG ZATVORA U SARAJEVU**

Za upravnika Okružnog zatvora u Sarajevu postavlja se **MEHO SOBO**.

Ovo rješenje objaviti u "Službenom listu RBiH".

V broj 200/93  
5. avgusta 1993. godine  
Sarajevo

Potpredsjednik  
Vlade RBiH,  
mr Hadžo Efendić, s. r.

**386**

Na osnovu člana 188. stav 1. Zakona o državnoj upravi "Službeni list SRBiH", br. 8/90, 22/90, 10/91 i 14/91 i "Službeni list RBiH", br. 4/92, 21/92 i 3/93), Vlada Republike Bosne i Hercegovine, donosi

**RJEŠENJE****O RAZRJEŠENJU POMOĆNIKA MINISTRA ENERGETIKE, RUDARSTVA I INDUSTRIJE**

Razrješava se **VLADIMIR ZRELEC** dužnosti pomoćnika ministra energetike, rudarstva i industrije, zbog samovoljnog napuštanja posla.

Ovo rješenje objaviti u "Službenom listu RBiH".

V broj 201/93  
5. avgusta 1993. godine  
Sarajevo

Potpredsjednik  
Vlade RBiH,  
mr Hadžo Efendić, s. r.

**387**

Na osnovu člana 188. stav 1. Zakona o državnoj upravi "Službeni list SRBiH", br. 8/90, 22/90, 10/91 i 14/91 i "Službeni list RBiH", br. 4/92, 21/92 i 3/93), Vlada Republike Bosne i Hercegovine, donosi

**RJEŠENJE****O POSTAVLJENJU POMOĆNIKA MINISTRA OBRAZOVANJA, NAUKE, KULTURE I SPORTA**

Za pomoćnika ministra obrazovanja, nauke, kulture i sporta postavlja se **MUSTAFA DEMIR**.

Ovo rješenje objaviti u "Službenom listu RBiH".

V broj 202/93  
5. avgusta 1993. godine  
Sarajevo

Potpredsjednik  
Vlade RBiH,  
mr Hadžo Efendić, s. r.

**388**

Na osnovu člana 188. stav 1. Zakona o državnoj upravi "Službeni list SRBiH", br. 8/90, 22/90, 10/91 i 14/91 i "Službeni list RBiH", br. 4/92, 21/92 i 3/93), Vlada Republike Bosne i Hercegovine, donosi

**RJEŠENJE****O POSTAVLJENJU POMOĆNIKA MINISTRA INFORMISANJA**

Za pomoćnika ministra informisanja postavlja se **SENADA KRESO**.

Ovo rješenje objaviti u "Službenom listu RBiH".

V broj 203/93  
5. avgusta 1993. godine  
Sarajevo

Potpredsjednik  
Vlade RBiH,  
mr Hadžo Efendić, s. r.

**389**

Na osnovu člana 188. stav 1. Zakona o državnoj upravi ("Službeni list SRBiH", br. 8/90, 22/90, 10/91 i 14/91 i "Službeni list RBiH", br. 4/92, 21/92 i 3/93), Vlada Republike Bosne i Hercegovine, donosi

**RJEŠENJE****O POSTAVLJENJU POMOĆNIKA MINISTRA ŠUMARSTVA I INDUSTRIJE ZA PRERADU DRVETA**

Za pomoćnika ministra šumarstva i industrije za preradu drveta postavlja se doc. dr **FARUK MEKIĆ**.

Ovo rješenje objaviti u "Službenom listu RBiH".

V broj 204/93  
5. avgusta 1993. godine  
Sarajevo

Potpredsjednik  
Vlade RBiH,  
mr Hadžo Efendić, s. r.

**390**

Na osnovu člana 14. Uredbe sa zakonskom snagom o vršenju inostranih poslova ("Službeni list RBiH", br. 19/92 i 24/92), Vlada Republike Bosne i Hercegovine, donosi

**RJEŠENJE****O POSTAVLJENJU KONZULA U KONZULATU RBiH U MILANU**

Za konzula u Konzulatu Republike Bosne i Hercegovine u Milanu postavlja se **MUHAMED KREŠEVLJAKOVIĆ**.

Ovo rješenje objaviti u "Službenom listu RBiH".

V broj 205/93  
5. avgusta 1993. godine  
Sarajevo

Potpredsjednik  
Vlade RBiH,  
mr Hadžo Efendić, s. r.

**391**

Na osnovu člana 7. Uredbe o Servisu za ugostiteljstvo republičkih organa ("Službeni list RBiH", broj 8/92), Vlada Republike Bosne i Hercegovine, donosi

**RJEŠENJE****O POSTAVLJENJU ZAMJENIKA DIREKTORA SERVISA ZA UGOSTITELJSTVO REPUBLIČKIH ORGANA**

Za zamjenika direktora Servisa za ugostiteljstvo republičkih organa postavlja se **NAZIF GATAČKIĆ**.

Ovo rješenje objaviti u "Službenom listu RBiH".

V broj 206/93  
5. avgusta 1993. godine  
Sarajevo

Potpredsjednik  
Vlade RBiH,  
mr Hadžo Efendić, s. r.

**392**

Na osnovu člana 25. stav 3. i člana 34. stav 3. Uredbe sa zakonskom snagom o ustanovama ("Službeni list RBiH", br. 6/92 i 8/93), Vlada Republike Bosne i Hercegovine, donosi

**RJEŠENJE****O IMENOVANJU PREDSEDNIKA I ČLANOVA UPRAVNOG ODBORA I NADZORNOG ODBORA INSTITUTA ZA ISTORIJU U SARAJEVU**

1. Za predsjednika i članove Upravnog odbora Instituta za istoriju u Sarajevu imenuju se:

- 1) dr **IBRAHIM KARABEGOVIĆ**, predsjednik
- 2) dr **BEHIJA ZLATAR**, član
- 3) doc. dr **SMAIL ČEKIĆ**, član
- 4) **TONČI GRBELJA**, član
- 5) dr **KEMAL BAKARŠIĆ**, član

2. Za predsjednika i članove Nadzornog odbora Instituta imenuju se:

- 1) dr LAMIJA HADŽIOSMANOVIĆ, predsjednik
- 2) mr MUHIDIN PELESIĆ, član
- 3) SLOBODAN KRISTIĆ, član
3. Ovo rješenje objaviti u "Službenom listu RBiH".

V broj 207/93  
5. avgusta 1993. godine  
Sarajevo

Potpredsjednik  
Vlade RBiH,  
mr Hadžo Efendić, s. r.

393

Na osnovu člana 91. stav 2. Zakona o univerzitetu ("Službeni list RBiH", broj 39/90), Ministarstvo obrazovanja, nauke, kulture i sporta, donosi

## PRAVILNIK

### O IZMJENAMA PRAVILNIKA O SAĐRŽAJU JAVNIH ISPRAVA KOJE IZDAJU UNIVERZITETI I VISOKOŠKOLSKE USTANOVE

#### Član 1.

U obrascima koji su sastavni dio Pravilnika o sadržaju javnih isprava koje izdaju univerziteti i visokoškolske ustanove ("Službeni list SRBiH", broj 26/91):

- riječ "SRBiH" zamjenjuje se riječju "RBiH",
- riječi: "Socijalistička Federativna Republika Jugoslavija" brišu se,
- riječi: "Socijalistička Republika Bosna i Hercegovina" zamjenjuju se riječima: "Republika Bosna i Hercegovina",
- riječi: "SR, SAP" zamjenjuju se riječju "država",
- riječi: "Republika, Pokrajina, za strane državljane naziv države" zamjenjuju se riječju "država",
- riječi: "Grb SRBiH" zamjenjuju se riječima: "Grb RBiH".

#### Član 2.

Ovaj pravilnik stupa na snagu danom objavljivanja u "Službenom listu RBiH".

Broj 03-021-60/93

30. juli 1993. godine

Sarajevo

Ministar

prof. dr Nikola Kovač, s. r.

394

Na osnovu člana 90. stav 3. Zakona o univerzitetu ("Službeni list SRBiH", broj 39/90), Ministarstvo obrazovanja, nauke, kulture i sporta, donosi

## PRAVILNIK

### O IZMJENAMA PRAVILNIKA O NAČINU VODENJA MATIČNIH KNJIGA I EVIDENCIJE O IZDATIM DIPLOMAMA U VISOKOŠKOLSKIM USTANOVAMA I UNIVERZITETIMA

#### Član 1.

U Pravilniku o načinu vođenja matičnih knjiga i evidencije o izdatim diplomama u visokoškolskim ustanovama i univerzitetima ("Službeni list SRBiH", broj 26/91) riječi: "republika ili pokrajina i" brišu se, a riječi: "republička pripadnost" zamjenjuju se riječju "državljanstvo".

#### Član 2.

U članu 17. stav 2. u alineji 4. riječi: "republika ili pokrajina", brišu se.

#### Član 3.

U obrascima br. 1. i 5, koji su sastavni dio Pravilnika o načinu vođenja matičnih knjiga i evidencije o izdatim diplomama u visokoškolskim ustanovama i univerzitetima, riječi: "republika, pokrajina", brišu se.

U obrascu br. 1. riječi: "Rep. prip." zamjenjuju se riječju "državljanstvo".

#### Član 4.

Ovaj pravilnik stupa na snagu danom objavljivanja u "Službenom listu RBiH".

Broj 03-021-61/93

30. juli 1993. godine

Sarajevo

Ministar

prof. dr Nikola Kovač, s. r.

395

Na osnovu člana 60. stav 2. Uredbe sa zakonskom snagom o geološkim istraživanjima ("Službeni list RBiH", broj 3/93), ministar energetike, rudarstva i industrije, donosi

## PRAVILNIK

### O NAČINU PRIKUPLJANJA, EVIDENTIRANJA, OBRADJE, RAZMJENE, ČUVANJA I KORIŠTENJA PODATAKA OD ZNAČAJA ZA GEOLOŠKI INFORMACIONI SISTEM

#### Član 1.

Ovim pravilnikom uređuje se način prikupljanja, evidentiranja, obrade, razmjene i čuvanja podataka od značaja za geološki informacioni sistem Republike Bosne i Hercegovine (u daljem tekstu: Republika).

#### Član 2.

Geološki podaci i dokumentacija, kao izvor podataka u oblasti geoloških istraživanja su:

- stručna dokumentacija fondovske naravi i
- objavljeni radovi.

Stručna dokumentacija fondovske naravi iz stava 1. ovog člana deponovana je u fondovima stručne dokumentacije poduzeća, ustanova i drugih organizacija, a čine je: programi, projekti, izvještaji, mišljenja, ekspertize, elaborati, tumači geoloških, hidrogeoloških, inženjersko-geoloških i drugih tipova karata, rezultati laboratorijskih analiza, geokemijskih i geofizičkih ispitivanja, te podaci i dokumentacija o istražnim rudarskim radovima i istražnom bušenju.

### I - PRIKUPLJANJE I EVIDENTIRANJE PODATAKA

#### Član 3.

Poduzeća, ustanove i organizacije koje raspolažu bilo kojom vrstom geološke dokumentacije dužni su redovno dostavljati Zavodu za geološka istraživanja Republike Bosne i Hercegovine (u daljem tekstu: Zavod) podatke o deponovnoj stručnoj dokumentaciji, istraživačkim radovima i rezultatima istraživanja prema obrascima 1, 2 i 3, koji su sastavni dio ovog pravilnika.

#### Član 4.

Obrazac 1. sadrži podatke o geološkoj dokumentaciji fondovske naravi i to: redni broj (kolona 1); posjednik dokumentacije: poduzeće, ustanova ili druga organizacija u čijem fondu je deponovana (kolona 2); područje, lokalitet ili ležište sa nazivom i koordinatama prelomnih tačaka ograničenog prostora (kolona 3); u izvoru podataka popunjava se naziv: projekta, izvještaja, elaborata ili kojeg drugog dokumenta (kolona 4). pod obrađivačem podataka (kolona 5) podrazumijeva se poduzeće koje je uradilo geološku dokumentaciju, za koju se unosi godina izrade, ime i prezime autora, broj strana i priloga (kolone 6, 7, 8. i 9).

#### Član 5.

Obrazac 2. sadrži podatke o istraživanju, razvrstane na zadatak istraživanja (kolona 1), primijenjene metode istraživanja (kolona 2), vrste i obim istraživačkih radova (kolona 3), pri čemu u koloni 3 se daju posebno podaci o geološkim radovima (kolona 3.1), bušenju (kolona 3.2), rudarskim istražnim radovima (kolona 3.3) i građevinskim istražnim radovima (kolona 3.4). U kolonu 4. obrasca 2. upisuje se naziv poduzeća koja su izvodila pojedine ili sve vrste istražnih radova, a u

kolonu 5 upisuje se naziv investitora i obim utrošenih sredstava na istraživanju.

#### Član 6.

Obrazac broj 3. sadrži rezultate istraživanja, sumarno i razvrstane po vrstama radova.

Obrazac 3.1 sadrži podatke o rezultatima: geoloških, hidrogeoloških, inženjersko-geoloških ili drugih istraživanja, pri čemu se upisuju podaci o izvršenoj prospekcijskoj prostora sa naznakom površine u  $\text{km}^2$  i razmjere topografske osnove (kolona 1) zatim geološka (hidrogeološka i dr.), kartiranja područja sa naznakom površine (u  $\text{km}^2$ , ha, m), razmjere karte, jamskih radova, jezgra bušotina, raskopa ili snimanja detaljnog stuba (kolona 2).

Ako su u pitanju rezultati hidrogeoloških, inženjersko-geoloških, geofizičkih, geohemijskih i drugih istraživačkih radova, lice koje popunjava obrazac samo će ispuniti podatke o rezultatima onih vrsta radova koje su izvedene.

Vrsta i broj analiziranih uzoraka upisuju se u kolonu 4, a rezultati izvršenih analiza u kolonu 5. Ako je veći broj analiza, nego što je predviđeni prostor u obrascu, upisuju se na poseban papir sa oznakom da se odnose na kolonu 5.

Obrazac 3.2 sadrži podatke o rezultatima istražnih bušotina, pri čemu se za pojedine bušotine upisuju sljedeći podaci: namjena i broj bušotine (kolona 1), kota (kolona 2), koordinate (kolona 3), izmjerena devijacija (kolona 4), ukupna dubina bušotine (kolona 5), debljina krovine (kolona 6), debljina rudnog tijela (kolona 7), vrsta i broj uzetih uzoraka (kolona 8), rezultati analiza (kolona 9) i napomena (kolona 10).

Namjena bušotine (kolona 1) može biti: strukturna, za ugradnju pijezometara, istražna za utvrđivanje položaja sirovinne koja se istražuje i slično. Za vrstu i broj uzoraka (kolona 8) mora se naznačiti da li su iz krovine, podine ili orudnjenja i svrha ispitivanja. Rezultati analiza (kolona 9) mogu biti kemijski, mineraloški sastav, fizičko-mehanička svojstva i dr., što se kratko naznači u napomeni (kolona 10).

Obrazac 3.3 sadrži podatke o rezultatima rudarskih istražnih radova: vrstu i oznaku rudarskog rada (kolona 1) ulazne kote i koordinate rudarskog rada (kolona 2), dužina rudarskog rada (kolona 3), oblik, debljina i položaj rudnog tijela (kolona 4), vrsta i broj uzetih uzoraka (kolona 5), rezultati analiza (kemijske, mineraloške, fizičko-mehaničke i dr.) i geološki podaci (kolona 6).

Geološki podaci se kratko daju, kao na primjer: potkop je u krečnjacima, a prečnim hodnicima je presječena ruda na kontaktu krečnjaka u podini i škrljaca u krovini rude.

Obrazac 3.4 sadrži podatke o rezultatima geoloških istraživačkih radova: vrsta i oznaka rada (kolona 1), vrste i obim uzorkovanja (kolona 2), laboratorijski nalazi (atesti) ispitivanih uzoraka (kolona 3), geološki podaci (kolona 4) i nalaz (kolona 5).

Sumarni obrazac 3. sadrži kratak rezime rezultata po obrascima: 3.1, 3.2, 3.3 i 3.4 i utvrđene bilansne i potencijalne rezerve čvrstih mineralnih sirovina i podzemnih voda sa naznakom kvaliteta.

U koloni 1. daje se geološka osnova sa litostratigrafskim stubom u kome je označen položaj istraživačkog resursa: ruda, vode, stijena, vodonosnika, klase, podklase, grupe i podgrupe u inženjersko-geološkom smislu, laboratorijski nalazi (kolona 2) bilansne i potencijalne rezerve po kategorijama (kolona 3) i kvalitet rezervi (kolona 4).

## II - OBRADA I ČUVANJE PODATAKA

#### Član 7.

Za obradu prispjelih geoloških podataka iz poduzeća, ustanova i drugih organizacija Zavod će formirati tim stručnih lica i ustrojiti katastar za obradu podataka, prema obrascima obrade 1, 2, 3, 4. i 5. koji su sastavni dio ovog pravilnika.

#### Član 8.

Obrazac obrade 1. sadrži podatke o dokumentaciji i to: redni broj (kolona 1), fond stručne dokumentacije deponovane u poduzeću, ustanovi ili organizaciji (kolona 2), vrstu geološkog dokumenta, kao izvora podataka (kolona 3), ime i prezime autora, godinu izrade, broj strane i priloga (kolona 4), vrstu istraživačkih radova (kolona 5), područje ležišta ili lokalitet sa koordinatama prostora na kome su obavljena ili se obavljaju istraživanja (kolona 6), općina (kolona 7) i visina finansijskih sredstava za istraživanje (kolona 8).

#### Član 9.

Obrazac obrade 2. sadrži podatke o stijenama kao osnovnim objektima istraživanja: naziv stijene (kolona 9), geneza i oblik pojavljivanja u prirodi (kolona 10), njen mineraloški sastav (kolona 11), struktura i tekstura (kolona 12), kemijski sastav (kolona 13), fosilni sadržaj i stratigrafski položaj (kolona 14), sedimentološke karakteristike (kolona 15), fizičko-mehaničke karakteristike (kolona 16), hidrogeološke karakteristike (kolona 17) i inženjersko-geološke karakteristike (kolona 18).

#### Član 10.

Obrazac obrade 3. sadrži podatke o rudi: naziv rude (kolona 19), mineraloški sastav (kolona 20), struktura i tekstura (kolona 21), oblik rudnih tijela (kolona 22), parageneza rude (kolona 23), kemijski sastav (kolona 24), geneza rude (kolona 25), rijetke elemente u rudi (kolona 26) i rezerve bilansne i potencijalne po kategorijama (kolona 27).

#### Član 11.

Obrazac obrade 4. sadrži podatke o vodama: naziv (vrsta) vode (kolona 28), akumulacija: vrsta, veličina, oblik i drugi podaci (kolona 29), karakteristike vodonosnika (kolona 30), karakteristika izolatora (kolona 31), pražnjenje akumulacije na prirodnim vrelinama - litara u sekundi (kolona 32), dotok vode u akumulaciji litara u sekundi (kolona 33), mineraloški sastav vode (kolona 34), kemijski sastav (kolona 35), temperatura vode (kolona 36), tip vode: tvrda, meka (kolona 37) i rezerve (kolona 38).

#### Član 12.

Obrazac obrade 5. sadrži podatke o inženjersko-geološkim karakteristikama stijena i sredine, pri čemu se za stijene izdvajaju: grupe (kolona 39), podgrupe (kolona 40), klase (kolona 41) i podklase (kolona 42), zatim podaci o osnovnim karakteristikama inženjersko-geološke (IG) jedinice izdvojene na terenu (kolona 43), otpornost ili podložnost stijena egzodinamičkim promjenama uslovljenim prirodnim ili antropogenim dejstvima (kolona 44), fizičko-mehanička svojstva pojedinih stijena (kolona 45), tehnička svojstva (kolona 46) i na kraju, izvedeni zaključci o sredini: stabilnoj, uslovno stabilnoj i nestabilnoj (kolona 47).

#### Član 13.

Poduzeća, ustanove ili druge organizacije, dužne su posebno označiti i zaštititi svaki primjerak geološkog dokumenta iz kojeg su geološki podaci, putem obrazaca, dostavljeni Zavodu, sve do ustrojstva geološkog informacionog sistema, kad će se utvrditi njegov dalji tretman.

#### Član 14.

Zavod je dužan sačuvati sve obrasce sa dostavljenim geološkim podacima iz poduzeća, ustanova ili organizacija, složenim po broju ili datumu prispjeća, a podatke redovno unositi u katastar obrade.

U katastar obrade unosiće se podaci dostavljeni putem obrazaca, podaci iz geološke dokumentacije bivšeg Republičkog društvenog fonda za geološka istraživanja, Saveznog geološkog Zavoda iz Beograda, Geoinstituta - Iliđza i iz geološke dokumentacije koja se dostavlja Ministarstvu energetike, rudarstva i industrije (čl. 45, 46, 51. i 53. Uredbe sa zakonskom snagom o geološkim istraživanjima) kao i drugih izvora podataka.

## Član 15.

U sistemu organizovanog načina prikupljanja, evidentiranja, obrade čuvanja i korištenja podataka, osnovne jedinice čine geološke struke u poduzećima zadužena za fond stručne dokumentacije, koja redovno dostavljaju podatke Zavodu na adu.

Jedinstvenom metodologijom prikupljanja i obrade podataka, a kasnije i putem sistema računara stvorice se banka podataka, koja će omogućiti: planiranje naučno-stručnog rada u Republici, praćenje rezultata istraživanja, godišnje trednvoe aživačkih radova, ravnomjernost stepena istraženosti pojedih krajeva, saradnji i koordinaciju naučno-istraživačkog a, valjane odluke u finansiranju istraživanja i izbjegavanje liranja istraživačkih radova, pokrivanje oblasti koju nije, od postojećih informacionih sistema ne obuhvata, uvid u čno-istraživačke aktivnosti u poduzećima, ustanovama i anizacijama kao i informacije o naučno-stručnim radnicima u Republici.

## Član 16.

Zavod je dužan da, pored prikupljanja i obrade podataka iz dokumentacije fondovske naravi, koristi i objavljene naučno-

stručne radove domaćih i stranih znanstvenih radnika čiji se radovi odnose na teritorij Republike.

Putem periodičnog biltena će informirati poduzeća, ustanove i organizacije od kojih dobiva podatke iz stručne fondovske dokumentacije, a objavljenim radovima sa skupova, simpozija i redovnih stručnih glasila koja izlaze u Republici i u svijetu, iz glasila koja stiču kao razmjena za domaće glasilo.

## III - ZAVRŠNE ODREDBE

## Član 17.

Obrasci za prikupljanje podataka: 1, 2, 3.1, 3.2, 3.3, 3.4 i 3, kao i obrasci za obradu: 1, 2, 3, 4 i 5 odštampani su uz ovaj pravilnik i čine njegov sastavni dio.

## Član 18.

Ovaj pravilnik stupa na snagu danom objavljivanja u "Službenom listu RBiH".

Broj 01-021-125/93  
10. avgusta 1993. godine  
Sarajevo

Ministar energetike,  
rudarstva i industrije,  
prof. dr Rusmir Mahmutćehajić, s.r.

## OBRAZAC BR. 1

| 1. POSJEDNIK<br>DOKUMENTACIJE | LOKALITET<br>LEŽIŠTE<br>(sa koordinat.) | IZVOR<br>PODRUČJE<br>(PROGRAMI,<br>PROJEKTI,<br>IZVJEŠTAJI,<br>ELABORATI) | PODATAKA<br>OBRAĐIVAČ<br>PODATAKA | GODINA<br>OBRADE | AUTORI | BROJ<br>STRANA | BROJ<br>PRILOGA |
|-------------------------------|-----------------------------------------|---------------------------------------------------------------------------|-----------------------------------|------------------|--------|----------------|-----------------|
| 2                             | 3                                       | 4                                                                         | 5                                 | 6                | 7      | 8              | 9               |

## OBRAZAC BR. 2

## PODACI O ISTRAŽIVANJU

Zadatak istraživanja

Metode istraživanja

Vrste i obim  
istražnih radova

3.1 Geološki radovi

Prospek. kartirani      Prospekcija km<sup>2</sup>

Geološko-kartiranje km<sup>2</sup>, ha, m  
(snimanje stuba, jezgra, bušotine, jama)

Uzrokovanja za:

Paleontološka ispitivanja kom

Minerološka istraživanja, kom

Sedimentološka

Petrografska

Rudno mikroskopska

Kemijska

3.2 Bušenja

Broj strukturnih i istražnih bušotina  
ukupno izbušeno m<sup>2</sup>

Broj bunara  
Ukupna dubina m<sup>2</sup>

3.3 Rudarski  
istražni radoviBroj i dužina potkopa m<sup>2</sup>

Broj i dužina istražnih hodnika m

Broj i dužina istražnih niskopa m

Broj i dužina uskopa m

Broj i dužina raskopa m

3.4 Građevinski  
istražni radoviusjeci i zasjeci (m<sup>3</sup>)  
Plitka geomehanička bušenja  
kom m

4. Izvodači istražnih radova

5. Izvori finansiranja i obim utrošenih sredstava

## REZULTATI GEOLOŠKIH RADOVA

3.1.

PROSPEKCIJA

PROSTORA

km<sup>2</sup>

GEOLOŠKO KARTIRANJE:

- PODRUČJA
- SNIMANJE STUBA
- JAMSKIH RADOVA
- JEZGRA BUŠOTINA
- RASKOPA

RAZMJERA 1:

km<sup>2</sup>, ha m<sup>1</sup>VRSTA I BROJ  
UZETIH UZORAKAREZULTATI  
ANALIZA

## REZULTATI ISTRAŽNIH BUŠENJA

3.2

| Namjena i<br>broj bušotine | Kota | Koordinate<br>X X | Izmjerena<br>devijacija | Ukupna<br>dubina<br>bušotine<br>m | Debljina<br>krovine m <sup>1</sup> | Debljina<br>rudnog<br>tijela m <sup>1</sup> | Vrsta i broj<br>uzetih uzoraka | Rezultati<br>analiza | Napomena |
|----------------------------|------|-------------------|-------------------------|-----------------------------------|------------------------------------|---------------------------------------------|--------------------------------|----------------------|----------|
| 1                          | 2    | 3                 | 4                       | 5                                 | 6                                  | 7                                           | 8                              | 9                    | 10       |

Vrsta i  
oznaka rud.  
rada

1

POTKOP

HORIZON

HODNIK

USKOP

NISKOP

RASKOP

VRSTA I OZNAKA  
VRSTA I OZNAKA

1

Red. br.

L  
ST  
Ra

1.

2. LABORATORIJ

## REZULTATI RUDARSKIH RADOVA

3.3

| Staza i<br>oznaka rud.<br>rada | ULAZNA |                 | Dužina<br>rudarskog<br>rada m <sup>1</sup> | RUDNO TIJELO |                                           | Vrsta i broj<br>uzetih uzoraka | Rezultati<br>analiza | Geološki<br>podaci |
|--------------------------------|--------|-----------------|--------------------------------------------|--------------|-------------------------------------------|--------------------------------|----------------------|--------------------|
|                                | Kota   | Koordinate<br>X |                                            | Oblik        | Debljina<br>Položaj<br>(pružanje i nagib) |                                |                      |                    |
|                                | 2      |                 | 3                                          |              | 4                                         | 5                              | 6                    | 7                  |

OTKOP

ORIZON

ODNIK

SKOP

SKOP

ASKOP

OBRAZAC 3.4

## GRADEVINSKI ISTRAŽNI RADOVI

| VRSTA I OZNAKA RADA | VRSTA I OBIM<br>UZORKOVANJA | LABORATORIJSKI<br>NALAZI (ATESTI) | GEOLOŠKI<br>PODACI | NALAZ<br>MIŠLJENJE |
|---------------------|-----------------------------|-----------------------------------|--------------------|--------------------|
| VRSTA I OZNAKA RADA | 2                           | 3                                 | 4                  | 5                  |

OBRAZAC BR. 3

|         |                                       |                 |
|---------|---------------------------------------|-----------------|
| ed. br. | LITOSTRATIGRAFSKI<br>STUB<br>Razmjer: | GEOLOŠKA OSNOVA |
|---------|---------------------------------------|-----------------|

LABORATORIJSKI NALAZI

PALEONTOLOŠKI  
SEDIMENTOLOŠKI  
PETROGRAFSKI  
MINERALOŠKI  
FIZIČKO-MEHANIČKI  
KEMIJSKI  
RIJETKI ELEMENTI

PARAGENEZA RUDE  
ANALIZA VODE

## 3. BILANSNE I POTENCIJALNE REZERVE A

B

C<sub>1</sub>

Z

C<sub>2</sub>

## 4. KVALITET REZERV

|  |
|--|
|  |
|  |
|  |
|  |
|  |

Obrazac obrade 1.

| Red. br. | Fond stručne dokumentacije preduzeća | Geološki dokument (izvor podataka) | Autor, godina, broj strana | Vrsta istraživačkih radova | Područje ležište lokalitet | Općina | Visina sredstava |
|----------|--------------------------------------|------------------------------------|----------------------------|----------------------------|----------------------------|--------|------------------|
|----------|--------------------------------------|------------------------------------|----------------------------|----------------------------|----------------------------|--------|------------------|

| 1 | 2 | 3 | 4 | 5 | 6 | 7 | 8 |
|---|---|---|---|---|---|---|---|
|---|---|---|---|---|---|---|---|

Obrazac obrade 2.

## S T I J E N A

| Naziv Geneza i oblik pojavljivanja | Minerološki sastav | Struktura i tekstura | Kemijski sastav | Fosilni sadržaj i stratigrafski položaj | Sedimentološke karakteristike | Fizičko mehaničke karakteristike | hg-karakteristike | IG-karakteristike |
|------------------------------------|--------------------|----------------------|-----------------|-----------------------------------------|-------------------------------|----------------------------------|-------------------|-------------------|
|------------------------------------|--------------------|----------------------|-----------------|-----------------------------------------|-------------------------------|----------------------------------|-------------------|-------------------|

| 9 | 10 | 11 | 12 | 13 | 14 | 15 | 16 | 17 | 18 |
|---|----|----|----|----|----|----|----|----|----|
|---|----|----|----|----|----|----|----|----|----|

Obrazac obrade 3

R U D A

| Naziv | Minerološki<br>sastav | Struktura<br>i tekstura | Oblik<br>rudnih<br>tijela | Parageneza<br>rude | Kemijski<br>sastav | Geneza<br>rude | Rijetki<br>elementi | R E Z E R V E |   |                |                |
|-------|-----------------------|-------------------------|---------------------------|--------------------|--------------------|----------------|---------------------|---------------|---|----------------|----------------|
|       |                       |                         |                           |                    |                    |                |                     | A             | B | C <sub>1</sub> | C <sub>2</sub> |
| 19    | 20                    | 21                      | 22                        | 23                 | 24                 | 25             | 26                  | 27            |   |                |                |

Obrazac obrade 4.

V O D A

| Naziv<br>(vrsta<br>vode) | Akumulacija | Karakteristike<br>vodo-<br>nosnika | Karakteristike<br>izola-<br>tora | Pra-<br>njenje<br>e/s | Dotok<br>e/s | Minero-<br>loški<br>sastav | Kemijski<br>sastav | t°C<br>vode | Tip<br>vode | R E Z E R V E |   |                |                |
|--------------------------|-------------|------------------------------------|----------------------------------|-----------------------|--------------|----------------------------|--------------------|-------------|-------------|---------------|---|----------------|----------------|
|                          |             |                                    |                                  |                       |              |                            |                    |             |             | A             | B | C <sub>1</sub> | C <sub>2</sub> |
| 28                       | 29          | 30                                 | 31                               | 32                    | 33           | 34                         | 35                 | 36          | 37          | 38            |   |                |                |

Obrazac obrade 5.

INŽENJERSKO-GEOLOŠKA SREDINA

| S T I J E N E |          |       |          |    | Karakteristike<br>IG-jedinice | Egzodinamske<br>promjene<br>(prirodne i<br>antropogene) | Fizičko<br>mehanička<br>svojstva | Tehnička<br>svojstva | S R E D I N A |                     |                |
|---------------|----------|-------|----------|----|-------------------------------|---------------------------------------------------------|----------------------------------|----------------------|---------------|---------------------|----------------|
| Grupa         | Podgrupa | Klasa | Podklasa |    |                               |                                                         |                                  |                      | Sta-<br>bilna | Uslovno<br>stabilna | Ne-<br>stabil. |
| 39            | 40       | 41    | 42       | 43 | 44                            | 45                                                      | 46                               | 47                   |               |                     |                |

SLUŽBENE OBJAVE

PEČATI I ŠTAMBILJI

Oglašavamo nevažećim izgubljeni štambilj okruglog oblika promjera 20 mm, sa sljedećim sadržajem: "HUM" Sarajevo po obimu, a u sredini Hum 7. (so-354)

Oglašavamo nevažećim pečat okruglog oblika prečnika 24 mm sa sljedećim sadržajem: Radna organizacija Elektroračunski centar PTT saobraćaja BiH Sarajevo. Tekst je ispisan sa

istim sadržajem latinicom i ćirilicom, broj 2, u sredini pečata je znak ptt. (so-346)

Oglašavaju se nevažećim pečati prečnika 50 mm i 20 mm na kojima je oznaka "4" sa grbom RBiH u sredini i istim tekstom (latinicom i ćirilicom): "Republika Bosna i Hercegovina, GRAD SARAJEVO, GRADSKA UPRAVA DRUŠTVENIH PRIHODA, SARAJEVO". (so-338)

Oglašavamo nevažećim pečat okruglog oblika prečnika 30 mm sa sljedećim sadržajem: PRIVATNO PREDUZEĆE ZA GRADEVINARSTVO, PROJEKTOVANJE, UGOSTITELJSTVO, TURIZAM, ŠPEDICIJU, TRGOVINU I POSLOVNE USLUGE d. o.o. "MAGANIK" SARAJEVO (so-338)

IG-  
-karak-  
teristike

## SADRŽAJ

|     |                                                                                                                                                                                                |     |     |                                                                                                                                                 |     |
|-----|------------------------------------------------------------------------------------------------------------------------------------------------------------------------------------------------|-----|-----|-------------------------------------------------------------------------------------------------------------------------------------------------|-----|
| 372 | Uredba sa zakonskom snagom o dopuni Uredbe sa zakonskom snagom o okružnim vojnim sudovima                                                                                                      | 405 | 383 | Uredba sa zakonskom snagom o izmjenama Amandmana LXXIII na Ustav Republike BiH                                                                  | 419 |
| 373 | Uredba sa zakonskom snagom o dopuni Uredbe sa zakonskom snagom o sredstvima i finansiranju Armije Republike Bosne i Hercegovine                                                                | 405 | 384 | Rješenje o razrješenju upravnika Okružnog zatvora u Sarajevu                                                                                    | 419 |
| 374 | Uredba sa zakonskom snagom o izmjenama i dopunama Uredbe sa zakonskom snagom o oružanim snagama Republike Bosne i Hercegovine                                                                  | 405 | 385 | Rješenje o postavljenju upravnika Okružnog zatvora u Sarajevu                                                                                   | 420 |
| 375 | Uredba sa zakonskom snagom o izmjenama i dopunama Uredbe sa zakonskom snagom o službi u Armiji Republike Bosne i Hercegovine                                                                   | 406 | 386 | Rješenje o razrješenju pomoćnika ministra energetike, rudarstva i industrije                                                                    | 420 |
| 376 | Uredba sa zakonskom snagom o izmjenama i dopunama Uredbe sa zakonskom snagom o obrani                                                                                                          | 408 | 387 | Rješenje o postavljenju pomoćnika ministra obrazovanja, nauke, kulture i sporta                                                                 | 420 |
| 377 | Uredba sa zakonskom snagom o izmjenama i dopunama Uredbe sa zakonskom snagom o vojnoj obavezi                                                                                                  | 408 | 388 | Rješenje o postavljenju pomoćnika ministra informisanja                                                                                         | 420 |
| 378 | Uredba sa zakonskom snagom o izmjenama i dopunama Uredbe sa zakonskom snagom o posebnim vojnim sudovima                                                                                        | 409 | 389 | Rješenje o postavljenju pomoćnika ministra šumarstva i industrije za preradu drveta                                                             | 420 |
| 379 | Uredba sa zakonskom snagom o plaćanju doplatne marke za finansiranje oružanih snaga Republike Bosne i Hercegovine                                                                              | 409 | 390 | Rješenje o postavljenju konzula u Konzulatu RBiH u Milanu                                                                                       | 420 |
| 380 | Uredba sa zakonskom snagom o izmjenama i dopunama Uredbe sa zakonskom snagom o primjenjivanju Zakona o prometu nepokretnosti za vrijeme ratnog stanja ili u slučaju neposredne ratne opasnosti | 409 | 391 | Rješenje o postavljenju zamjenika direktora Servisa za ugostiteljstvo republičkih organa                                                        | 420 |
| 381 | Uredba sa zakonskom snagom o sudskim taksama                                                                                                                                                   | 409 | 392 | Rješenje o imenovanju predsjednika i članova Upravnog odbora i Nadzornog odbora Instituta za Istriju u Sarajevu                                 | 420 |
| 382 | Uredba sa zakonskom snagom o izmjenama i dopunama Uredbe sa zakonskom snagom o putnim ispravama državljana Republike BiH                                                                       | 418 | 393 | Pravilnik o izmjenama Pravilnika o sadržaju javnih isprava koje izdaju univerziteti i visokoškolske ustanove                                    | 421 |
|     |                                                                                                                                                                                                |     | 394 | Pravilnik o izmjenama Pravilnika o načinu vođenja matičnih knjiga i evidencije o izdatim diplomama u visokoškolskim ustanovama i univerzitetima | 421 |
|     |                                                                                                                                                                                                |     | 395 | Pravilnik o načinu prikupljanja, evidentiranja, obrade, razmjene, čuvanja i korištenja podataka od značaja za geološki informacijski sistem     | 421 |